

Veve Ea Mashome

A Supileng Ea Daniele

 Ke leboha, haholo, Moena Neville. Dumelang, metswalle.

Ke monyetla ho kgutlela tabernakeleng hape hoseng hona, ho tswella ka Molaetsa ona o moholo oo re ikanelang ho o hlalosa, *Veke Ea Mashome A Supileng Ea Daniele*. Mme re thabetse ho bona bongata bo bokana bo phuthehile tsatsing lena le tjhesang, mme leha ho le jwalo re maswabi ha re hloka sebaka sa ho dula. Ho bona batho ba hatellaneng ka mokgwa oo mme ba eme hohle, e baka ho se phutholohe. Mme ha le iketle kamoo le tshwanetseng, ho le thatafaletsa ho utlwissa. Empa re tla etsa ntho e nngwe le e nngwe eo re ka e kgonang ho e potlakisa.

² Mme—mme, kajeno, ke a tshepa, ha nka dika-dika nakoana, hore le tla ntshwarela, hoba ena ke nako ya ho kgokgothella Molaetsa ona, yona nako ya ho otlella. Re o hlophollotse ka mekgahlelo e meraro re tle re kgodisehe ho o tshwara.

³ Jwale, ehlide, le—letshwele le bonwang le a tseba hore ntho tsena, kapa Melaetsa ena, e a hatiswa. Mme e romelwa lefatsheng ho pota. Hantle-ntle setjhaba se seng le se seng se amohela diteipi tsena lefatsheng ho pota. Mme ke rata hore ho bamamedi ba teipi, hohle moo le leng teng, karolong efe feela ya lefatsheng le leng ho yona, hore ho kaba le dintho tse itseng ka mona tseo mohlomong o ke keng wa dumellana le nna ho tsona ka thuto eo ke—ke e rutang. Empa ke rata ho hlalosa, banabeso, hore mohlomong, ha o ka e hlalosa kamoo o no e bona kateng, e ka nna ya fapano le seo ke neng ke se dumela. Empa, ne nka thabela ho utloa seo o se buang.

⁴ Mme ke ka mohopolo ha ke tlisa Melaetsa ena, ho tswa ho... Lentsweng la Modimo, ka pelong ya ka. Ke ho hahisa Kereke, bakeng sa Kereke yohle, Kereke e lefatsheng lohle; Kereke ya Kreste, ka lefatsheng lohle. Mme ruri ke dumela ha re phela tsatsing la ho qetela. Mme phehelle ya ka ho hlalosa taba ena, ha se ho leka ho e sebetsa, ho e sutumetsa, ka mokgwa ona kapa wane. Ha ke e-so be molato, ho ya ka tsebo ya ka, wa ho etsa hoo.

⁵ Hangata batho ba utlwa teipi tsena mme ba re, “E, ha ke a dumellana le hoo. O mpa a sa tsebe thuto ya hae feela, ha a tsebe Lengolo.” E, hoo, e ka nna ya e-ba nnete kahoohole. Le a bona? Nke ke ka re hoo ha se nnete.

Empa, ho nna, ke—ke a Le hlaloba, ha ke nke letho—letho la mantswe... Ke bala se bolelwang ke banna ba bang, mme ke

a ba ananela. Ntho ka nngwe e buang ke motho e mong, ke a e ananela. Empa he—he ke e isa ho Modimo, mme ke tiisetsa ho yona ho fihlela nka e hlalosa, ho tloha ho Genese ho ya ho Tshenolo, mme ke e bona e hokahana eohle Bibeleng. Ha ho le jwalo ke—ke a tseba e atametse nnete kae-kae. Mme, ehlile, moo o nepileng, ke hona moo ke kgelohileng e—e tsela teng. Mme mohlomong moo o fositseng, kapa o nepileng, ke hona moo ke kgelohileng tsela teng, ka ho fapanyetsana.

⁶ Ka baka leo, re a le ananela lona batho ba lokileng ba letshweleng mona, hoseng hona, le bakeng sa lona batho ba batle ba utlwang diteipi tsena. Mme rona... Tsohle tse etswang, di etsetswa Mmuso wa Modimo. Ke na le metswall e mengata lefatsheng ka bophara, eo ke e ananelang haholo, mme ke dumela re tla ja Bosafeleng le bona. Mme ho ke ke ha dula pelong ya ka ho leka ho—ho thetsa batho bao, le ho leka, empa ho leka ho phethahatsa ntho e nngwe le e nngwe eo nka e kgonang ho ba thusa.

⁷ Ke ikutlwa jwale ka Salomone mohla a rapelang, mme a bua, ho mo fa bohlale a tle a kgone ho etella batho ba Modimo. Ke thapelo ya ka e shweletseng.

⁸ Batlatssi ba ka mona, hohle, ke bona Moena Mercier, le—le Moena Roy Borders, le Moena Neville, le Billy Paul, mora wa ka. Gene o teng mona kae-kae, le baena, Teddy, le bao. Ke ananela batho bana kaofela ba tlileng ho nthusa.

⁹ Ke hopola nakwana e fetileng mona, Moena Leo, e—e pono eo a e fumaneng; toro, o boletse joalo, bosiu bo bong ha re ne qala ho kopana; a re o bone hloro e kgolo ya piramite, hodimo kwana sebakeng. Mme ke le hodimo mono ke rera, kae-kae, mme a hwella teng ho bona se ne se etsahala. Mme eitse ha a fihla mono hlorong ena, kgele, a re, hojana kwana leseding le kang silifera, kapa polata, ke ne ke eme, ke rerela batho. Mme a hula maikutlo a ka, mme ka retoloha ho mo sheba. Mme a re, “O fihlike jwang mono? Ne nka kgona jwang ho fihla mono?”

¹⁰ Ka re, “Leo, ha ho motho ya ka tlang kwano. Eka kgona Modimo a bee motho hodimo mona. Jwale, ha o a tshwanela ho nyolohela kwano. O loketswe ke ho theoha le ho pakela batho bao tlasa moo, ka mora hoba o e bone, hore ke Nnete, hore Hoo ke Nnete.” Leo a theoha hape, ho ea pakela batho.

¹¹ E hlahile neng, Moena Leo? Dilemo tse mmalwa, ha ke re? Dilemo tse mmalwa. Ho tloha mohlang oo, ho ya kamoo ke tsebang, esale a tshephahetse a etsa hoo, ho pakela batho hore thuto e tswa ho Modimo. Jwale, mme ke—ke ha ke batle ha e tswa ho nna. Ha e tswa ho nna, etlabe e sa loka, hoba ha ho letho le molemo mothong. Le a bona? Eka kgona e tswe ho Modimo.

¹² Jwale, ha ke qamaka... Maobane thapama, ke ile ka tsukutlana ka matsoho le motswalle wa ka, Moena West. Le

jwale ha ke e-so mmone, ka mohahong; e, ke mmone jwale, hoseng hona. Mme na le a tseba batho bao ba kganna bohole bo bokae, tsela yohle ho tswa tlase kwana—kwana Alabama, ka Sontaha, ho tla kwana, ho tswa tlase kwana Alabama!

¹³ Moena Welch Evans, ha ke a mmona Sontaha se fetileng. Motoho o mpoleletse hore o ne a le teng kajeno. Batho bao ba kganna ho tswa Tifton, Georgia, ho ba mona. Le moena ya dutseng mona, bomphato ba hae. Bongata bo bo kaalo! Moena Palmer ho tswa Macon, Georgia. Mme ke bona, ke a kgolwa, Kgaitsemi Ungren le bao morao moo. Bohle tsela yohle ho tsoa Memphis, Tennessee. Jwale, le nahana.... Le ba bang ho tswa dibakeng tse ding. Ke sa tswa kopana le mofumahadi ka mona ho tswa kwana, hodimo kwana South Carolina.

¹⁴ Jwale, le nahana hore batho bao mona.... Ke ne ke ntse ke shebile, ho tswa Chicago, le dibakeng tse fapaneng feela, ba kganna makgolo le makgolo a dimaele, ho tla tshebeletsong feela. Jwale he, e re ha ba fihla mona, ha ho sebaka sa ho dula. Ha ho phaposi e kentsweng sephodisa-moya; phaposi ya kgale e tjhesang, eo ba emang kahara yona, ba iphumula mofufutso. Ba nka tjhelete tafoleng, baneng ba bona, ho tla kwana ho mamela Molaetsa oo. Le mpolella hore ha ho.... ka nqane ho lediboho lena, kae-kae, sebaka seo ba yang ho sona, le leng la matsatsi ana? Ehlide, se teng. Ke botshepehi boo! Batho bao ke balefi ba karolo ya leshome. Ha ba tle feela, ba tlisa karolo ya bona ya leshome le menehelo, mme ba e tlisa tlung ya Morena, ho leka ho etsa ho lokileng. Modimo o hlohonolofatse batho ba tshepehang hakaalo! Mohau wa Modimo le lereko di be le bona.

¹⁵ Ke bona motswalle wa ka, Charlie Cox, bao ba tsoang tlase Kentucky e ka borwa. Le hooch feela, moo o shebang teng, o bona batho ba tswang dibakeng tse fapaneng.

¹⁶ Mohlankana enwa ya dutseng mono, ke sitwa ho bitsa lebitso la hae. Ke kopane le yena Chicago. Empa o tswa sekolong sa Bibele se hole le mona, sebakeng se seng, ha ke re? [Moena eo o re, “Springfield, Missouri”— Mong.] Springfield, Missouri; sekolo sa Bibele sa Assembly of God. Eya. Hantle, haholo. Le a bona, ba tswa hooch feela, ka kerekang ena ya kgale.

¹⁷ Nahanang feela, mohlomong, dilemong tse ka bang mashome a mararo tse fetileng mohla ke ne ke hloma lejwe la sekgutlo hoseng hoo, ke ne ke eme mono Seventh Street, boloko bo le bong hojana. Ke eso nyale, ke le mohlankana feela. Mme ka bona, pono ya batho ba hatellaneng ba petetsane ka mona ho tswa hooch. Mme ke ne ke thabile hona, ke eme ka morao ho sefala. Mme ke mohla A na a re ho nna, “Empa ha se tabernakele ya hao ena.” Mme A mpea tlasa mahodimo. Mme le tseba pale eo yohle e ngotsweng leqepheng la Bibele le robetseng lejweng la sekgutlo mono.

¹⁸ Ke leboha hakakang ka lona batho ting. Nke ke . . . Hoo, ke nthwana e nyenyane hakakang, ho—ho re feela, “Tjhe, ke motlotlo ka lona.” Empa kea le rapella. Ke na le tumelo ho lona. Ke dumela boitsebelong ba lona ho Modimo. Ha ke dumele monna kapa mosadi a ka kganna makgolo le makgolo a dimaele ho tla kwano, ho bontsha hore ba apere diaparo tse jwang. Ke—ke ha ke kgolwe ba ka etsa jwalo. Tjhe. Ba ke ke ba tla mona ho bonwa feela. Ba tla mona hobane ba tebile mme ba le mahlonoko bakeng ka poloko ya meya ya bona. Thapelo ya ka ke ena: “Modimo nthuse, nthuse bonnyane ho tshephahala ka halofo feela, ho leka ho ba sebeletsa ka tsohle tse pelong ya ka, homme ke shebile ho Modimo.”

¹⁹ Molaetsa ona, le a bona, hoseng hona, o tshwantshitswe mona, tlapantshong. Empa e le feela, ho hhalosa ha ke ntse ke tswela pele, ho leka ho etsa hore le utlwisise seo ke lekang ho bua ka sona.

²⁰ Mme Veke tse Mashome A Supileng Tsa Daniele ebile hlahlolo e le nngwe e kgolo, matsatsi a mabedi le masiu a mabedi ao ke batlileng, ke a qeta, mafelong a veke mona, ke dutse ho yona, ke leka ho fumana mantswe ao nka a buang bakeng sa Nnete. Eka kgona di bape le Bibele yohle. Le a bona? Le ke ke la E nka feela, Lengolwana le le leng feela mme o etse e—e ntho e utlwahalang, mme o nto re, “Ke hantle, ntho ena e bolela sena,” o ntano hlanoha o re, “Be, empa mona Le—Le bua ntho e nngwe esele, e thulana le *hona*.” Nke ke ka etsa hoo. Eka kgona e bue ntho e tshwanang ka dinako tsohle. Ha o sa kgone, kgele, hoo, etlaba o—o fositse. Mme ke kamoo ke lekileng ho E ruta.

²¹ Ebile, diteiping, kaha o le hodima diteipi. Tsheollo e kgolo eo ke e fumanang diteiping, ya baena beso ka ntle dikarolong tse fapaneng tsa lefatshe, ke ho dumela mohaung wa Modimo, ha ke ruta kamoo ke rutang, hore, “Re ne re rerwe pele ho tshimoloh ea lefatshe.”

²² Baena beso ba Pentekosta, ehlile, ke a tseba hobane mehopolo ya lona e sekametse molaong, le a bona, mme ke—ke a tseba hore e batla e ferekanya mehopolo ya lona. Empa na wena, jwaleka moena wa Mokreste, o ka le nahaniisa ho lekana hoo o ka kgumamang mangoleng a hao pela Modimo, ka Bibele ya hao, le ho kopa Modimo ho o hhalosetsa yona? Na o ka etsa hono? Na o ka nka lehlakore la molao mme wa leka ho le hokanya ho tloha ho Genese ho isa ho Ditshenolo?

²³ Le, “Peo ya noha,” eo ke mmolai; batho bongata ha ba dumele hoo. Empa, ha o ka bala ho Genese feela, Bibele e boletse hore noha e ne e e-na le peo. “Mme ke tla bea hloyano pakeng tsa peo ya noha le Peo ya mosadi.” Ka baka leo, noha e ne e-na le peo. Mme haeba peo ya noha e ne e le semoyeng, etlaba Jesu e ne e se motho, ha ho le jwalo Peo ya mosadi e ne e

le semoyeng. Bobedi ba ne ba e-na le dipeo, mme hloyano esale teng mono. Noha e ne e-na le peo. Mme ha o ka nka Bibebe ya hao feela, mme wa dula fatshe mme wa ba le tshabo pela Modimo, kea dumela Modimo o tla o senolela yona.

²⁴ Mme ha o sa e utlwisise, ke—ke teng, nako efe kapa efe, ho etsa ka bokgabane ba ka ho o thusa, ka lengolo kapa ka—kapa ka ho kopana puisanong, kapa ntho efe feela eo nka e kgonang ho o thusa. Hobane, re elellwa hoba seo ha se pholose motho, le jwale ha se ahlole motho, se mpa se tjhabisa Lesedi hodima thero eo re lekang ka thata hakana hore batho ba e bone. Le a bona? Se mpa se tjhabisa Lesedi.

²⁵ Jwale, ho letshwele le bonahalang, ke boletse taba ena ka baka la diteipi, le a bona, mme diteipi tsena di hohle, di ya hohle.

²⁶ Jwale a re inamiseng dihlooho tsa rona motsotso feela, pele re atamela Mothei wa Lentswe lena. Mme ke ba bakae letshweleng hoseng hona ba hlokang, ba reng feela, “Ke a hloka. Oho Modimo, nkgauhele”? Morena a hlohonolofatse. Mme ho lona ba tla utlwa teipi, ha le e utlwa, Modimo o ke o abe kopo ya lona.

²⁷ Ntata rona ya Lehodimong, re batho ba tletseng teboho, leha kwana re le batho ba se nang tokelo. Empa re atamela terone ya Hao ya mohau hoseng hona, ka hobane re laetswe ho tla. Jesu o itse, “Ha le kopa letho ho Ntate ka Lebitso ka Ka, Ke tla le etsa.” Jwale, re a tseba hoo ke nnete.

²⁸ Mme ka hara letshwele mona, le ka ntle kwana le—lefatsheng leo diteipi di tla fihla, mohlomong ho tla ba le mashome a dikete a Bakreste ba tswetsweng la bobedi ba tla utlwa sena. Mme re a tseba, Ntate, hore ha re tswetswe labobedi, moya wa rona o tswetswe Hodimo. Ke Moya wa Modimo, Moya o Halalelang, hodim'a rona. Mme re a elellwa hobane Moya oo o Halalelang o matla-wohle mme o ka re etsetsa ntho efe feela eo re labalabelang hore e etswe. Hape, Ntate ya Lehodimong, re O kopa ho lokollela Moya oo tumelo ya rona, O tl'o re baballele hoseng hona, le bakeng sa kganya ya Mmuso wa Modimo, dikopo tsena tsohle le ditabatabelo, re tle re fodiswe mafung a rona le mahlokong a rona, re tle re sebeletse Modimo wa rona ka tsohle tse ka ho rona.

²⁹ Bula ditsebe tsa kutlwisiso ya rona kajeno, ke sa ipelesa ho tlisa potso e kgolo ena, ho e hlakisa kelellong tsa batho. Jwale, ke e ngotse mona, Morena, hodima pampiri, mme hape le ho e tshwantsha tlapantshong ena, tjhateng ena, empa ke haellwa ka botlalo ho e hhalosa. Jwale re bitsa ho Wena, Monghadi e moholo Ya ngotseng Lentswe, Ya Le susumeditseg, Ya Le fileng moporofeta Daniele. Mme re rapela hore O tle o romeile tshusumetso hoseng hona, matsatsing ana a ho qetela, jwale ka ha A itse Buka e tla kwahelwa ho fihlela nako ena, hore O tle o

bule kutlwisiso tsa rona. Mme ho ke ho be le tumelo ya mobu o bonolo pelong tsa rona e tla e dumella Lentswe ho itshwarella le Bophelo, le ho medisa dimate tsa ho loka maphelong a rona, seo Le reretsweng ho se etsa. Tumelo ya rona ho Modimo, e ke e re baballele hoo hoseng hona. Hoba re lebeletse ka boikokobetso jwale, mme re ineela ho Wena, ka Lebitso la Jesu Kreste. Amen.

³⁰ Jwale, re leboha haholo hoseng hona, ka monyetla o motlemotle hape ho phetla maqephe a Lentswe la Modimo le sa feleng.

³¹ Jwale, lebaka leo ke ipelesitseng ho leka ho hhalosa sena, ke ka hoba, re ntse re haola Bukeng ya Ditshenolo, mme re sa tswa feta mengwaheng ya dikereke tse supileng. Mme, hape, qetellong ya kgaolo ya 3 ya Buka ya Ditshenolo, Kereke e tloswa lefatsheng, ho kena Kganyeng. Mme ke a leka, ka pelo ya ka yohle, ho fetisetsa sena ho batho, ba lebeletseng ntho e nngwe ho etsahala, eo ba e bonang e ngotswe Bukeng ya Ditshenolo, athe e ne e sa lebiswa mongwaheng wa kereke. Mme re atametse qetelo ho feta kamoo le hopolang.

³² Masiung a mmalwa a fetileng, Billy, wa ka... Kapa, ngwetsi ya ka, ke rialo, e ile ya mpitsa, hara bosiu, mme a re ho na le monna ya bitswang Andy Herman, e leng motswala ka, ya neng a robetse, a eshwa kokelong. Ka ya mmona. Ba ne ba mo thethefaditse, ka... hakana, hoo a n'a kgalehile, mme ka sitwa ho buisana le yena. Hoseng ho latelang... Ka kopa Modimo ho mo phedisa ho fihlela ke kgona. Andy ke motho ya lokileng, empa feela e ne e se Mokreste. Ha se malome; ke motswala, o nyetse motswala wa ka.

Mme eitse ha Aunt Ade a mpolella, a eme mono, a re, "Billy, dilemong tsena tsohle tse mashome a robedi tsa bophelo ba hae, ha eso sebeletse Modimo. Empa," a re, "diveke tse mmalwa tse fetileng o ne a dutse ka tlung..." Yena, dilemong tse 80, ehlile, ha etse mosebetsi o mokaalo wa matsoho. Empa a re...

A mmitsta mme a re, "Ade, o a tseba ke eng? Kreste o ne a ttile ka pela ka mona, metsotsong e mmalwa e fetileng."

A mo sheba, a re, "Andy, na—na... Molato ke'ng?" A re...

A re, "Tjhe. O na eme hantle ka pela ka mona, mme A bua ntho e nngwe."

Ho re, "O itse'ng?"

"Ho morao ho feta kamoo o nahanang kateng."

³³ Diveke tse mmalwa ho tloha moo, diveke tse pedi kapa tse tharo, a tshwarwa ke setorouku mme a robala a shwele ditho kwana kokelong, a timela. Ka re, "Mangoane Ade, itshwabele ha o sa ka wa bitsa nna kapa motho e mong, ho lokisetsa pelo ya hae hora ena eo a e fihletseng jwale."

³⁴ Ka kopa Morena, hoseng ho hlahlamang, ha ke ne ke... A sa kgone ho bua, ka hona ka mmotsa feela. Ka re, "Na o a

nkutlw, Malome Andy?" Mme a—a oma ka hloho ya hae ha nyenyane mme a tsamaisa mehlaare ya hae. Ka mo rapella, ka re a ipolele dibe tsa hae pela Modimo. Ke ne ke batla ho mo kolobetsa, le Mangoane Ade a batla ho kolobetswa.

³⁵ Mme ka ya holong, ho bona mosetsana ya dulang haufi mona, eo ba ne ba tla mo isa sepatala sa kelello, mme Morena a mo etsetsa ntho e kgolo, a tla hae.

Yaba, tseleng ha ke nyoloha, ke kopana le kgaitsedi wa mmala, mme a re, "Ha o Moena Branham na?"

Ka re, "Ke yena."

A re, "O sa nkgopola? Ke nna Mof. Drye."

³⁶ Mme ka re, "E, ke kgolwa jwalo. Pete Drye le bao." Ka re, "Eya ke—ke a o hopola." A sheba kamoreng, mme ha re etsa jwalo... ka ipotsa hobaneng a re a rialo. Mme, mane, Malome Andy a se a tsohile betheng, mme a dutse mono, a tsamaisa matsoho a hae jwaleka mang le mang, a leka ho tshwara ntho, ho theola ntho ya bethe, a tle a kgone ho tswa moo le ho ikela. Jwale ba tliro kolobetswa ka Lebitso la Morena Jesu Kreste, yena le mosadi wa hae.

³⁷ Ka bala leo, empa lebaka leo ke buileng seo, ke morao ho feta kamoo re lekanyang. Mme kea kgolwa *Diveke Tse Mashome a Supileng Tsa Daniele* di tla e fihlisa kutlwisisong ya rona.

³⁸ Jwale, bongata ba banabeso ba Pentekosta, bao ke boletseng teiping pejana, hore ha ba dumellane le Sena. Ba shebeletse ntho e kgolo, e matla e tla etsahala. Mme, banabeso, ha le ka mamela ka hloko, mme le sa...le ho mamela, le tla fumana hobane ntho e kgolo eo, e matla e se e fetile. Jesu o itokiseditse ho kgutla.

³⁹ Kereke e tsamaya kgaolong ya 3 ya Ditshenolo. Ha ho buue ka letho ka mono, feela ntho e qetelang e ne e le moromuwa wa ho qetela wa mongwaha. Jwale he, re sebetsana le Bajode ho fihlela ho kgutleng hape le Monyaduwa, kgaolong ya 19. Ho tloha kgaolong ya 6 ho isa ho ya 19 ke Bajode kaofela.

Ke moo ke batlang ho kgutlela ho moena' ka ya lokileng mono mehleng ya Ditiiso tsena, Moena Woods, eo pele e ne e le Paki ya Jehova pele, yena le lelapa la hae lohle, ba leng teng mona hoseng hona, hore bao ba "dikekgolo mashome a mane le metso e mene" e ne e se bona, di ne di sa amane le Baditjhaba ka letho. Ke Bajode. Le a bona? Mme ha se Mmele wa sephiri wa Kreste lefatsheng kajeno.

Monyaduwa ke Mmele oo wa nnete. Ka Moya o Halalelang re kolobetswa Mmeleng oo wa nnete.

⁴⁰ Jwale, re a tseba Bukeng ya Daniele mona, moo re ne re ntse re bala teng, re tla bala hape feela hoba e le Lentswe la Hae. Kgaolong ya 9 ya Daniele, temaneng ya 24.

Veke di mashome a supileng tse badilweng hodima setjhaba sa heno, le hodima motse wa heno o halalelang, ho kwalla bobe,...ho fedisa sebe, le ho phekola bokgopo, le ho hlahisa ho loka ho sa feleng, le ho tiisa pono le boporofeta, le ho tlotsa Sehalaledisiso.

Temana ya 25, “Mme tseba ke hona o utlwisse, hore ho tloha...” Jwale, ke seo re ne re ntse re bua ka sona, mme ra qetella bosius ba Sontaha se fetileng, “ho tlotsa Sehalaledisiso.” Moo re qalang teng hoseng hona ke mona, temaneng ya 25. “Mme ka hona...”

Tseba ke hona o utlwisse hore, ho tloha taelong e bolelang hore Jerusalema o tla tsoswa o hahuwe ha e tswile (oo ke “motse wa heno o halalelang,” le a bona) ho fihlisa... Motlotsuwa wa Morena ho tla feta veke tse mashome a supileng, ka veke tse mashome a tsheletseng a metso e mmedi: motse o tla tsoswa, o hahuwe le mapatlelo a oona le marako a oona, mme empa etlaba ka matsatsi a mahlomola.

Ka mora diveke tse mashome a tsheletseng a metso e mmedi motlotsuwa o tla tloswa, empa e se ka baka la hae: motse o tla senyeha le sehalalelo ke makgotla a morena e mong ya tla tla; bofelo ba oona e tla ba morwallo o moholo, ho isa qetellong, ditshenyo tseo di se di laotswe.

“Mme...” Jwale, hopolang eo ke pheletso ya ntwa. Re e beile tlapantshong mona. “Mme,” jwale re qala ntho e nngwe eseles.

Morena eo o tla hlaba selekane se matla le ba bangata ka veke e le nngwe: mme mahareng a veke o tla fedisa sehlabelo le nyehelo, mme manyala a tshenyo a tla dula tempeleng ho fihlela bofediso, (hoo, ke tsohle), bo laetsweng bo wela hodima mosenyi.

⁴¹ Oh, ke thuto e kakang! Tsatsi le leng ke ile ka re ho mosadi wa ka, “Ke a ipotsa batho ba e tshwara ruri.” Jwale, ke batla ha le ka e tshwara. Le se ke... Haeba le, re loketse ho dula tsatsi lohle mona, dulang feela. Jwale, re—re—re batla ho e tshwara. Le a bona? Re—re batla ho tseba hore ke Nnete. Mme, wena, ha o ka e bona feela! Mme ke tla kopa, mohlomong...

⁴² Mme, ka mora moo he, ke tla siya chate e leketlile mona, mme le—le ka e tshwantsha, hamorao. Tloo kwano thapameng ena, nako efe le efe ha le batla, mme o take dichate le ntho tse jwalo. E tla o thusa ho utlwisia. Ke lona lebaka keo ke e beileng mono, le tle le e utlwisise.

⁴³ Jwale, a re phetheng ho se hokae re tle re bee motheo. Jwale ho no ho ena... Daniele o ne a kgathaditswe ke setjhaba sa habo, hoba a na a badile moporofeta Jeremia, mme a

utlwisia hoba Jeremia o na a boletse ha ba tla dula dilemo tse mashome a supileng kgolehong. Mme hape, mme a bona ba se ba qetile dilemo tse mashome a tsheletseng a metso e robedi kgolehong, a tseba ke hona hoba nako e ne e le haufi. Ka hona a beella mosebetsi wohle wa hae ka thoko, a theola, kamoo ho no ho le kateng, meriti ya hae yohle ya mesebetsi ya letsatsi le letsatsi. A lebisa sefahleho sa hae ho Modimo, a apara mahwashe mme a itshela ka melora, mme a itima dijo le ho rapela, a tle a utlwisia mohla nako eo e fihlang. Re ntano fumana, jwale ka ha ke boletse pele...

[Moena Branham o bua le motho kalaneng—Mong.] Na o ka sothela ntho eo, *kwana*, ho se hokae. Fene, e batla e le matla haholo. E ntjhesa lenseswe. Jwale he... Ke a leboha, moena.

⁴⁴ Jwale, re a fumana, hore Daniele, boitsebelo bona o ne a bo batlela sechaba sa habo. Mme ke nahana hore, haeba Daniele, ha a bala baporofeta pele ho yena, mme a bile le kutlwisiso ya mofuta ona, ya hore o ne a atametse qetello, mme a batla Modimo, ho fumana hore bofelo bo ne bo atametse hakae; jwale he ke nahana re na le tokelo, kaha re bona re se re atametse pheletso ya tsela jwale, ho apara e seng mahwashe le melora, empa ho lahla dintho tsa lefatshe, le mokgathala wa rona wa bophelo bona; le ho batla Modimo, ho fumana letsatsi la selemo leo re leng lona, hoba re a bona hore re pheletsong, le hoba e ka kgona Kereke e itime dijo mme e rapele le ho itokisa. Ke ka hona ke ikanetseng ho ipelesa... Ha ke tsebe mokgwa wa ho hhalosa sena, hoba ke e fetile mohwalotso nako le nako, mme ka re, “Diveke tse mashome a supileng tseo tsa Daniele,” hoba ke ne ke sa e utlwisia. Mme ke ka baka leo ke ipelesitseng jwale, ho leka ho e hhalosa. Mme kea dumela, ka thuso ya Morena, nka e kgona ka mohau wa Hae, ho e tlisa moo, ho le bontsha kamoo re atametseng ho Tla ha Morena kateng.

⁴⁵ Jwale, Daniele o ne a saletswe ke lemo tse pedi feela. Jwale re a fumana, hoba, a sa dutse thapeleng, Lengeloi, Gabariele, a akofa a tla ho yena; e seng feela ho mo hhalosetsa mohla sechaba sa habo se tla tswa kgolehong, empa, hape, le tsohle tse neng di badilwe hodima setjhaba sa habo, tsohle tse neng di sa saletse sechaba sa habo. A re, “Bajode ba sa saletswe ke diveke tse mashome a supileng.”

⁴⁶ Ha ho le jwalo, re a fumana, hore O ne a e-na le morero o mekgahlelo e tsheletseng. Mme o mong wa yona, e le ho kwalla bobo; le—le ho fedisa sebe; ho phekola bokgopo; ho hlahisa ho loka ho sa feleng; ho tiisa pono le boporofeta; le ho tlotsa Sehalalediso.

⁴⁷ Mme re ile ra nka, hoseng ha Sontaha se fetileng, Daniele maemong a hae tlase mono, a rapela. Phirimana ya Sontaha se fetileng, ka fana ka Mangolo hore batho ba tle ba a bale ha ba fihla hae. Na le e badile? Na le ile la e rata? Ho a babatseha!

⁴⁸ Jwale, morero wa mekgahlelo e tsheletseng. Mme re fumana, hore morerong ona wa botshelela, “ho tlotsa Sehalalediso,” re fumana ha “Sehalalediso” se emetse Kereke kamehla, Tabernakele. Mme ntho ya ho qetela e ne e tla etswa, e ne e le ho tlotsa Sehalalediso, ke Tabernakele ya dilemo tse Sekete eo A tla dula ho yona nakong ya dilemo tse Sekete, eo re tla dula ho yona.

⁴⁹ Jwale, kajeno, jwale re atamela, “Diveke tse mashome a supileng ke’ng?” Mme ena ke karolo ya bohlokwa, diveke tse mashome a supileng.

⁵⁰ Jwale, re a tseba hoba Mangolo a ke ke a bua leshano. Eka kgona ebe Nnene. Mme haeba Lengeloi lena Gabariele le tlide le ho bolella Daniele hore ho setse feela diveke tse mashome a supileng tsa Bajode.... Jwale, re ka sebedisa taba eo matsatsing a tsheletseng.... kapa vekeng ya matsatsi a supileng. Empa, seporofetong kamehla se hlahisoa ka ditshwantsho.

⁵¹ Mme ka hona, ntle le pelaelo hore ho theosa le mongwaha, ho bile le batho ba makgolo a makgolo, baithuti, banna ba nang le bokgoni, ba lekileng ho hhalosa hore diveke tsena tse mashome a supileng e ne e le eng. Mme ke badile ditlhakisetso tsa bona tse ngata ka tsona. Mme ke leboha Monghadi Smith haholo, wa kereke ya Adventist, ka baka ka mehopolo ya hae. Ke leboha Ngaka Larkin, ka mehopolo ya hae. Ke lebohela baithuti bana bohole ba baholo, ka mehopolo ya bona tabeng ena. Mme ho di baleng, e nkgantshetsa haholo, hore nka fumana dibaka tse shebahalang di nepahetse. Empa ho nka mehopolo eo ke—ke nahanneng hore nka rata ho e hhalosa, ka hlahloba hohle ho ensaetlopedia, mabapi le “nako,” ho fumana hore “nako” e ne e bolela’ng.

⁵² Mme re fumana mona, re fumana “nako, nako, le bohare ba nako.” Nako ke eng? Veke ke eng? Jwale, moo ebile dikete tse tharo, dilemo tse makgolo a mane le mashome a mararo tse fetileng, ho tloha e etsahetse, ha e sa le Modimo a qadile ho sebetsana le Mojode; dilemo tse ngata, ngata tse fetileng. Daniele e ne e le B.C., mme nako eo e ne e le B.C. 538, dilemo tse 538 pele ho Kreste, mohla a ne a bua taba ena mabapi le “nako, nako, le bohare ba nako.” Mme, diveke tse mashome a supileng, shebang moo diveke tse mashome a supileng di ne di tla mmea teng. Kgele, o na sa ntse a le Babilona, divekeng tse mashome a supileng, mme leha ho le jwalo Modimo o mmoleletse eo e ne e le phetheho ya nako e ne e badilwe hodima sechaba.

⁵³ Jwale, kereke ya ka mona e a tseba dilemong jwalo ke le boleletse kamehla, “Ha o batla ho tsebae letsatsi la veke ke lefe, sheba alamanaka. Empa ha o batla ho tseba nako eo re phelang ho yona, hlokomela Bajode bao.” Ke yona feela

tshupanako. Modimo ha o a bala dinako tsa letho—letho tse ikgethileng bakeng sa Baditjhaba; ho ne ho se sekgala se ikgethileng sa nako. Mme ke hona moo ke nahangan ha bangodi ba bangata ba baholo ba e ferekantse teng, mme ba ne ba leka ho e balla Mojode le Moditjhaba mmoho, hoba O itse, “sechaba sa heno.” Empa o ne a bua le Daniele, e seng le Kereke; sechaba sa Daniele, Mojode. Haeba A ne a bua le Kereke, taba eo o ke ke wa kgona ho e mathisa kae-kapa-kae; o—o morao kwana, esita le pele ho ho tla ha Kreste. E ne e tla fela vekeng ya mofuta ofe feela ya boporofeta eo o ne o batlile ho e bea teng. E se e fedile. Empa O ne a bua le Bajode, ha ho le jwalo Mojode ke tshupanako ya Modimo.

⁵⁴ Le a hopola mona, nako e seng kaalo e fetileng, ha Moena Arganbright, wa California, motlatsa-presidente wa International Full Gospel Business Men's Association, a ne a tla ha ka lapeng mme a tlisa e—e teipi; e seng teipi, empa e—e filimi ya movie, eo ba... ya *Three Minutes Till Midnight*. E neng e nkilwe hlahlobong ya saense. Eitse ha ke bona Bajode bao ba kgutlela kahare, morao Jerusalema, ke ile ka tla tabernakeleng mona, mme ka re, “Ke ikutlwa eka hoja ke sokolotswe botjha.” Bongata ba lona bo hopola hoo. Ka re, “Ho bona Bajode bao ba kgutla!”

Jesu o boletse, ho Mattheu kgaolo ya 24, “Ha le bona sefate sa feiye se hlahisa menoko ya sona.” Le tseba seo le loketseng ho se sheba, le a bona, Bajode ba kgutla!

⁵⁵ Jwale, ke na le dintlha tse ngotsweng mona. Ke rata ho kena ho tsona. Jwale, jwale, ke tla—ke tla nka nako ya ka, le tle le kgone ho di ngola le lona. Jwale, hona hohle ho etsahala, tsena... Jwale re... Mehleng eo re leng ho yona jwale, hona hohle ho hlahela... Ke ba-Jode; ha ho moo se amang Kereke teng, ho hang. Ntho efe feela ho tloha ho Ditshenolo kgaolong ya 3, ho fihlisa ho ya 19, ha e amane le Kereke le ka letho. O ka sitwa ho e tsepamisa hantle. E mpa e le siyo mono.

⁵⁶ Jwale ke batla ho hhalosa kamoo ke fihletseng sena. Jwale, letlapeng, bongata ba lona bo tla bona hore ke takile, dinako tse sietsweng sebaka, kamoo e keneng madulong, e mong le e mong a tle a utlwisise. Na le ka... Le ke ke la e bona ho tswa morao, ke a kgolwa, e ngotswe ka mongolo o mosesane haholo. Mme oo ke mongolo wa Becky. Ke ile ka nahana... Mme, setshwantsho seo, ke ne ke entse se sebe ho feta moo. Empa, Becky a taka seo, sa setshwantsho sa toro ya Nebukadnezare. Ke nahana se shebahala haholo jwaloka ngwananana, Becky, ho feta monna. Empa, leha ho le jwalo, se tla—tla fana ka boitsebiso, boo re bo batlang.

⁵⁷ Jwale, ha re bala Bibeleng hore ho na le diveke tse mashome a supileng tse badilweng hodima sechaba, jwale, yona... ha e amane le Kereke ka letho. Diveke tse mashome a

supileng ha ho moo di amang Kereke teng. Ha le ka lemoha mona, chateng, ke kentse mongwahakgolo wa kereke dipakeng tsa diveke tseo tse mashome a supileng.

⁵⁸ Re e tshwere mona. Moena e mong tlase Georgia o ile a re takela yona mona, ha re ntse re feta mengwahakgolong ya dikereke. Mme re kgodisehile re ka utlwisia se boleloang ke taba ena. Bosweu ba kereke mona, bo bolela hore e ne e le boapostola kahohle. Mme ho mongwahakgolo wa kereke ya bobedi, ba ne ba tshwere thuto ya Banikola, kapa, ba e-na le diketso tsa Banikola; di eso fetoha thuto. Mongwahakgolong wa kereke ya boraro, ya fetoha thuto. Mme ho mongwahakgolo wa kereke ya bone, ya hlophiswa, mme e ne e le Roma ka bopapa. Mme ho mo—mongwahakgolo wa kereke ya bone, moo e ne e le mengwagakgolo e lefifi.

Le a lemoha, botsho bohole mono bo emetse Bonikola, kapa Boroma. Karolo e tshweu e emetse Moya o Halalelang, Kereke. Mme, jwaloka ha e qadile nakong ya Mohalaledi Paulose, Kereke yohle ya boapostola e ile ya tlatswa ka Moya O Halalelang. Yaba ho qala ho kena baristokrate. Yaba qetellong ba etsa selekane mme ba bopa kereke e ntjha e feletseng ka yona. Mme ke kerekana feela e ileng ya tjheswa, le ho tlepetswa, le ho feptjwa ditau, le ntho e nngwe le e nngwe.

⁵⁹ Nakong ya hlabollo Luthere a tla, kgadimo e kgolwanyane, le a bona. Matsatsing a Wesley, ha tliswa kgadimo e kgolwanyane le hona. Empa mongwahakgolong wa kereke ya ho qetela mona, mongwahakgolo wa kereke ya Banikola, ke mongwahakgolo oo re... E seng oa Banikola, empa oa Laodisea, ke mongwahakgolo oo re phelang ho wona. Le a a hlokomela, ha ho Lesedi le lekaalo.

⁶⁰ Motho e mong, ha ba ne ba bona setshwantsho se takilweng sa yona hodimo mono, a re, “Ha o swabe, Moena Branham! Tsatsing le leholo lee la kgantshetso!”

Ka re, “Ke lekanya hore, ha e ka sesefshwa...” [Moena Branham o a kgutsa—Mong] “Esita le hoo ha ho etse toka; ha o nka batho ba hlwekileng ka nnete pelong, ba tswetswe botjha ke Moya.” Hopolang, ke oona feela mongwahakgolo wa kereke moo Kreste a ileng a ntshetswa kantle ho kereke ya Hae ka sebele, ho tsona kaofela. Re fumana maipolelo a maholo, empa na ho na le seo re se ruileng, ke sona seo re buang ka sona. Na Kreste o ka hara kereke ruri? E tlabé e le palo e nyenyane haholo.

⁶¹ Jwale, jwale a re rarolleng Diveke tsa Daniele tse mashome a supileng. Jwale mona nka pheta hape; bareri ba Evangedi, ha le sa dumellane le sena, ho itoketse. Di arotswe ka makgathe a mararo, jwale ka ha re fumana ho Daniele 9. Makgathe a mararo. La pele, lekgatthe la veke tse supileng; e ntano ba la

diveke tse masho-tshelela le pedi, e leng mashome a tsheletseng le metso e mmedi; e ntano ba lekgathe la veke e le nngwe. Di arotswe ka makgathe a mararo a fapaneng.

⁶² Jwale, mona tlapantshong ke e arotse. Lekgathe la pele; lekgathe la bobedi; mme ho latela kutlwisiso ya ka, ka Evangeli, ka Moya o Halalelang, ke hore, nakong ya qetelo, Modimo o kgutlela ho Mojode.

⁶³ Jwale, re a tseba, ho latela Dievagedi tsohle, Paulose o rutile, le ba bang, hore Modimo o tla kgutlela ho Mojode. Tjhe, jwale he, haeba A tla kgutlela ho Mojode hape, re ka e lebisa jwang morao nakong ya Daniele? Eka kgona re e lebise mongwaheng ona wa ho qetela. Mme ke ka mora hoba Kereke ya Baditjhaba e tsamaye, hoba O sebetsa le Iseraele jwale ka setjhaba, rona jwale ka motho ka bonngoe.

⁶⁴ Jwale, mona ke ngotse nthwana eo ke ratang ho le balla yona ha re ntse re haola. Jwale:

...taelong e bolelang hore Jerusalema o tla tsoswa o
hahuwe...

Etswe, e ne e le ka Hlakubele wa la 14. Ha e ba e mong wa lona a batla ho e ngola, ka Seheberu o tla fumana e bitswa *N-i-s-a-n, Nisan*, e bolelang "Hlakubele." Taelo e ntshitswe ka la 14 Hlakubele, B.C. 445, ha taelo e ne e ntshwa ho haha, ho haha tempele hape. Le a utlwisia, jwaleka ha lona batho ting le badile Mangolo. Ho fihlela e phethelwa, ho nkile dilemo tse mashome a mane a metso e robong ho phethela tempele le motse, ho e haha hape. Mme jwale ka ha Bibele e boletse mona, ke Daniele ya buang, kapa Lengelo ho Daniele, hore:

...marako a oona, mme o tla hahuwa ka matsatsi a
mahlomola.

Mme bongata ba rona re a hopola, mohla o ne o hahuwa, ba ne ba tshwere boloko ba seretse letsohong le leng le sabole ka ho le leng, ho fadimehela sera. "Mme o tla hahuwa ka matsatsi a mahlomola."

⁶⁵ Ka baka leo, mona ke hona moo ke fumanang hono, ke fumanang matsatsi a ka. Jwale, re na le tse pedi, dikhalendara tse tharo tse fapaneng. Re kgutlela morao khalendareng ya kgale ya astronomi, mme re fumana hobane khalendareng ya Julian ho na le makgolo a mararo, mashome a tsheletseng le metso e mehlano le letsatsi la kotara selemong. Ba bea nako ho latela ho feta ha Sardis le dinaledi tse fapaneng, le ntho tse jwalo. Ba bala nako. Jwale re a fumana, khalendareng ya Roma eo re phelang tlasa yona jwale, ke matsatsi a makgolo a mararo le mashome a tsheletseng a metso e mehlano selemong, ho ya ka khalendara. Empa ho ya ka Bokreste, kapa khalendara ya seporofeto, re fumana ho e-na le matsatsi a makgolo a mararo le mashome a tsheletseng feela selemong. Jwale, le ka ipotsa hore pherekano ena e hlahile jwang.

⁶⁶ Jwale, nka bua taba ena feela ka bona. Ke dumela ha morao kwana pele ho tshenyo ya morwallo, morao matsatsing a Jobo, le ba jwalo, ba ne ba sheba nako ka dinaledi. Mme re a utlwisia, kapa le pele ho nako eo, hore lefatshe le ne le eme tswe. Mme yaba tlolong ya motho, ho phetholweng ha lefatshe, le ile la tshekalla mme merwallo ya theoha, ka baka leo re fumana dinoka tse kgolo tsa lehlwa, le dintho tse jwalo mme bokahodimo bohle ba lefatshe le bokatlase bo tletse lehlwa. Re tseba hoo. Mme lefatshe ha le a ema tswe. Le sekame. Hoo ho le sisintse ho tloha moo kgwedi le dinaledi, moo di ne di shebile teng, mme la sutha madulong he. Kapa—kapa, o ke ke wa hlola o bea nako ka lona hape, hoba le dutse le tshekaletse, le dutse le sekametse morao. Ka baka leo, le ke ke la feta dinaleding tseo ka nako e le nngwe, hobane le—le tswile taolong ya dinaledi tseo. Le a utlwisia? Ke dumela e le sona.

⁶⁷ Le sekametse morao maemong ao feela. Mme taba eo e bontsha feela ha lena e le lekgatthe la nako. Ha le bone na? Modimo dintho tsa Wona ha di a tswa taolong. O mpa a di dumella ho ba jwalo nakwana. Mme ruri ke dumela ha ntho eo e ile ya etswa.

Mme matsatsing ana a qetelo ke mohla Modimo o tla senolela Kereke makunutu ana. Ha A e-so ka a e etsa pele. Mme lebaka leo A sa e etsang ka lona, ke hore Kereke e dule e lebeletse mme e rapela ka nako tsohle, e sa tsebe mohla e ne e tla fihla. Empa le a hopola, ho Daniele 12, O boletse, “Qetellong ba bohlale ba tla utlwisia, tsatsing lena la ho qetela.” Le a bona? O filwe hoo.

⁶⁸ Moya wa bohlale o kena ka hara Kereke, ho tsebisa Kereke, ka tshenolo ya Moya o Halalelang, ho kenya Kereke ka hare le ho senola hore ke tsatsi lefe leo re phelang ho lona. Jwalo feela kaha Gabariele a tlie ho—ho Daniele, Moya o Halalelang o tla Kerekeng matsatsing a qetelo, ho senola dintho tsena tse kgolo e leng makunutu, a tebileng. Le a utlwisia jwale? [Phutheho e re, “Amen.”—Mong.]

⁶⁹ Jwale, jwale hoo ho hlanamisa alamanaka ya selemo sa linaleli kapa selemo sa Julian, alamanaka, le a bona, selemo sa masoniki, hobane lefatshe le sekame. Re tseba hoo bohle, ho ya ka thuto ya sekolo. Mme le tswile taolong, ka baka leo tsona, dinaledi tseo, di ne di sa tlo feta ka nako e tshwanang di tobane le lefatshe. Ka baka leo, alamanaka ya Seroma e fositse, le yona, hoba ha o kgone ho kopanya matsatsi mmoho. Ho na le dintho tse ngata feela tseo be nka di bua mona hantle. Ke hore re fumana, esita le ho latela tlhaho ka boyona, e re ruta hore ho na le matsatsi a mashome a mararo hantle feela selemong.

⁷⁰ Jwale, a re nkeng Ditshenolo moo re tla lokela ho fetela teng matsatsing a baporofeta ba babedi mona. Bibele e boletse ho re, “Ba porofeta matsatsi a sekete se nang le makgolo a

mabedi le mashome a tsheletseng.” Jwale, ha o nka alamanaka ya linaledi, e ne e tla fosa dilemo tse tharo le halofo e le nngwe hole. Mme ha o nka alamanaka ya Seroma eo re e tshwereng kajeno, e ne e tla e fosa hole. Empa ak'o nke alamanaka ya seporofeto, mme ho na le matsatsi a sekete makgolo a mabedi le mashome a tsheletseng hantle, ka matsatsi a mashome a mararo kgwedding. Le a bona?

⁷¹ Re fumana matsatsi a mashome a mararo dikgweding tse ding, mashome a mararo le motso o le mong ho e latelang, a mashome a mabedi le metso e robredi ho tse ding. Le a bona, re dubakane ka hohle. Empa Modimo ha o e tlolakise, hodimo-le-tlase, pele-le-morao. O e nepa hantle ka phethahalo. E, monghadi. E tshwana hantle, matsatsi a mashome a mararo kgwedding; e seng mashome a mararo le motso, e ntano ba mashome a mararo, ntho e nngwe ese. Le a bona? Empa hoo ho entswe moruong o moholo wa Modimo, ho bea Kereke maemong a tebello le thapelo, ho itlhophpha, ho hlatswa diaparo tsa lona Mading a Konyana. Empa, oh, matsatsing ana a ho qetela, O tshepisitse! Uh-huh. Jwale re bona moo re phelang teng. Jwale, le hopole, morero, morero o le mong feela, ke ho etsa hona.

⁷² Jwale, ha e ba ho bile le tse supileng... Shebang, ho na le matsatsi a mashome a mane le metso e robong hantle... dilemo tse mashome a mane le metso e robong, ke batla ho rialo, ho hahuweng ha tempele. Tse supileng, ke diveke tsa boporfeta, diveke tse supileng, hoba diveke tse badilweng ho fihlisa tempeleng ke tse supileng, ho tsosa tempele bocha. Mme e hahuwe ka dilemo tse mashome a mane le metso e robong hantle. Jwale re fumana se bolelwang ke nako ya diveke, hoba ha Bibele e boletse, Lengeloi le boletse, hore ho nkile diveke tse supileng ho fihlisa kahong ya tempele. Mme ho hahuwa ha tempele ho nkile dilemo tse mashome a mane le metso e robong hantle, ho tloha—ho tloha ka 14 Hlakubele ho fihlisa B.C. 5—538. Ho fihlela tempele e tsoswa hape, mme le diterata tsa tsoswa, dilemo tse mashome a mane le metso e robong hantle. Ka baka leo, re fumana'ng? Re fumana'ng? Hoba, ha e ba diveke tse supileng di bolela dilemo tse mashome a mane a metso e robong, etlaba veke e le nngwe e lekana le dilemo tse supileng. Mme supa atisa ka supa ke mashome a mane le metso e robong. Ke hantle haholo. Ke moo he.

⁷³ Ka baka leo jwale ho noha ho fedile. Re tseba jwale ha veke e le nngwe e ne e bolela dilemo tse supileng. Na le e tshwere? A re e bueng mmoho. [Moena Branham le phutheho ba bua ba le ntswe leng—Mong.] “Veke e le nngwe e lekana le dilemo tse supileng.” Jwale re a tseba re e fumane. Veke e le nngwe e lekana le dilemo tse supileng.

⁷⁴ Ke rona bana hantle mona, veke ya pele. [Moena Branham o supa setshwantsho se letlapeng—Mong.] Dilemo tse mashome

a robong kahong ya tempele. Jwale, mola o kahodimo ona o emetse setjhaba sa Bajode ha se ntse se haola. Ena e mpa e le nako feela. Mme ha e rotha mona, e rotha e tswa setjhabeng sa Bajode, ho kena nakong ya Baditjhaba. E ntano nyoloha hape e qotse Iseraele, mme e tswele pele.

⁷⁵ Jwale, Baditjhaba ha ba beelwa nako ya letho e nepang. Ho itswe feela, “Nako ya Baditjhaba.” Mme re a fumana hore, esita le Jesu ha a ka a ba balla nako. Hoba re fumana mona, ho Luka 21:24, O itse, “Ba tla hatikela marako a Jerusalema ho fihlela Baditjhaba...” A nke ke e qotse. Ke e bua ka hlooho feela. A nke ke e bale, hoba e tla be e le teiping mona, mme re batla ho etsa bonnete ba ho e fumana hantle. Ho lokile, ha le batla ho phetla le nna ho yona, ho Mohalaledi Luka 21:24. Ke e hlahlobile ka ho hlaka, kamoo ke neng nka kgona.

Ba tla wa ka bohale ba sabole, ba iswe...

O bua ka mang? Bajode. Moo e ne e le tshenyeho ya tempele, ka A.D. 70.

...ba iswe kgolehong ditjhabeng tsohle:...

Jwale hopolang, e seng feela tlase Babilona, e seng kwana Roma feela, “ditjhabeng tsohle.” Ke hona moo Mojode a leng teng kajeno, “ditjhabeng tsohle.”

*...mme Jerusalema o tla hatakelwa ke Ditjhaba, ho
be ho phethwe mehla ya Baditjhaba.*

⁷⁶ Ka hona, nako e teng e badilweng, ho mpa ho se motho ya tsebang mohla e tla fihla. Le a bona? Ke sephiri, le a bona, nako ya Baditjhaba. Empa, Bajode... Ka hona, re ka se kgone ho bala nako ka Kereke, ho-o-re na E wele kapa E ntse e tswela pele, kapa seo E se etsang. Le ke ke la bolela ka hono. Empa, le shebe Bajode, ke eo he alamanaka ya nako. Le a e bona na? Modimo o ba baletse letsatsi hantle, hora, le nako, empa ha A etsetsa Baditjhaba jwalo. O etseditse Bajode jwalo, ka baka leo re shebeng Bajode, re tla bona moo re leng teng he.

⁷⁷ Jwale, jwale, diveke tse supileng e ne e le dilemo tse mashome a mane le metso e robong. E re hlaketshe hantle jwale, hore veke e le nngwe ke—veke e le nngwe ke dilemo tse supileng; veke e le nngwe, dilemo tse supileng.

⁷⁸ Jwale re bolellwa hore, “Ho tloha taelong e bolelang...” Jwale, ke mona moo ho hlhang bothata. Jwale re a bolellwa:

*...ho tloha taelong ho tsosa motse ho fihlisa ho
Messia (mme Messia e ne e le Kreste, ehlile) ho tla feta
veke tse supileng; le veke tse mashome a tsheletseng a
metso e mmedi: (tse etsang diveke tse mashotshela-
robong)...*

Le a bona? Ke hantle. Mme supa atisa ka mashome a tsheletseng a metso e robong e etsa makgolo a mane le

mashome a robedi a metso e meraro. Jwale, le ntse le e ngola na? Ha le batla hore ke kgutlele ho yona hape, nka thabela ho etsa hoo.

⁷⁹ Jwale re a bolellwa, “Ho tloha taelong e bolelang hore motse o tla tsoswa, ho fihlisa ho Messia, e tla ba supa,” (supa, ke ntho ya pele—ya pele, mona hantle) “diveke tse supileng, le mashome a tsheletseng a metso e mmedi,” di etsa, mashotshelela-pedi le supa ke mashotshela-robong, diveke tse mashotshelala-robong. Supa atisa ka mashotshelala-robong e tla etsa dilemo tse makgolo a mane le mashorobedi-tharo. Ha ho le jwalo, ho fihlisa ho Motlotsuwa... Jwale re fihla karolong ena *mona*. Ho fihlisa ho Motlotsuwa, e ka kgona ho be le dilemo tse makgolo a mane le mashome a robedi a metso e meraro, dilemo tse makgolo a mane le mashome a robedi a metso e meraro.

⁸⁰ Jwale, jwale, Jesu, Motlotsuwa, o kene motseng wa Jerusalema a kaletse, ka tlholo, mokokotlong wa mulete e tshweu, ka Palm Sunday, Mmesa wa la 2, A.D. 30. Jesu o kene Jerusalema a kaletse ka Palm Sunday, A.D. 30. Mme, jwale, jwale, ho tloha ho B.C. 445 ho isa ho A.D. 30, ke dilemo tse makgolo a mane le mashome a supileng a metso e mehlano.

⁸¹ Empa, jwalo ka ha re se re bone, hore diveke tse mashome a tsheletseng le metso e robong di etsa dilemo tse makgolo a mane le mashome a robedi a metso e meraro. Jwale, ke hona moo bothata bo hlhang, hantle mona. Le a bona? Re fumana feela, ho ya ka mongolo wa Bibele mona, nako, ya dilemo tse makgolo a mane le mashome a supileng a metso e mehlano. Athe, hantle-ntle, ke makgolo a mane le mashome a robedi a metso e meraro, phaphang ya dilemo tse robedi.

⁸² Jwale, Modimo a ke ke a e fosisa. Ha A itse etlaba matsatsi a makana, ke matsatsi a makaalo. Ha A re ke bokana, ke bokaalo. Ka baka leo re tla etsa'ng? Jwale, B.C. 475 ho isa ho A.D. 30, ke dilemo tsa Julian kapa tsa dinaledi, a etsang makgolo a mararo le mashome a tsheletseng a metso e mehlano le kotara ya letsatsi ho—ho se seng le se seng. Empa ha re fokoletsa matsatsi ao almanakeng ya rona ya boporofeta...

⁸³ Jwale a nke ke emise mona motsotsotso feela. Le tle le tsebe ho se lethebana la seriti sa pelaelo, nke ke ka nka sebaka seo se le seng. Nka e fetisa Lengolong lohle le ho le kgodisa hore matsatsi a supileng ke supa eo, veke e le nngwe ke—ke dilemo tse supileng, ka Bibeleng. Ke entse jwalo hodimo mona feela, ho Tshenolo kgaolo ya 13, kapa kgaolong ya 11 le temana ya 3. Baporofeta bao ba tla porofeta matsatsi a sekete le makgolo a mabedi le mashome a tsheletseng, e leng mahareng a veke ya ho qetela ya Bajode, ba nto kgaolwa e be ho kena Amagedone. Jwale ha ho le jwalo, ke eo hape, hantle matsatsi a mashome a mararo kgwedding. Le a bona? Ha ho le jwalo, ha se—ha se matsatsi a mashome a mararo le motso o le mong le

matsatsi a mashome a mabedi a metso e robedi, le jwalojwalo. Ke matsatsi a mashome a mararo hantle kgwedding, nako le nako.

⁸⁴ Almanaka ya rona ya seporofeto e re fihlisa ho matsatsi a makgolo a mararo le mashome a tsheletseng, jwale ka ha re sebedita Mangolong jwale. Re fumana hantle makgolo a mane le mashome a robedi le metso e meraro. Ke eo, makgolo a mane le mashome a robedi le metso e meraro. Mona re fumana bopaki ba seporofeto hantle, nnete hantle. Hoba, ho tloha nakong ya ho tsoswa ha tempele, ho fihlela tshenyelehong, mohla ba ne ba hana Kreste mme ba Mmolaya ka A.D. 33, mohla Kreste a ne a bolawa, ke dilemo tse makgolo a mane le mashome a robedi a metso e meraro hantle.

Jwale, ho tloha taelong e bolelang hore Jerusalema e tla tsoswa, ho no ho badilwe diveke tse supileng, tse neng di bolela dilemo tse mashome a mane le metso e robong. Mme dilemo tse mashome a mane le metso e robong di otile botsekeng hantle. Ho lokile, ho tloha ho tsosweng ha tempele ho fihlisa ho Motlotsuwa, e ne e le dilemo tse makgolo a mane le mashome a mararo a metso e robedi. Ka baka leo, makgolo a mane le mashome a mara-... dilemo tse makgolo a mane le mashome a mararo a metso e mene. Mme makgolo a mane le mashome a mararo a metso e mene (atisa), mashome a mane a metso e robong, e etsa dilemo tse makgolo a mane le mashome a robedi a metso e meraro. E otile nkong ya yona hantle, hantle ho fihla letsatsing leo, ho tloha ho letsatsi ho fihla ho letsatsi. Amen! Ke lona bao he.

⁸⁵ “Motlotsuwa, Morena o tla tla.” Le a bona? Supa atisa ka mashome a tsheletseng le metso e robong ke makgolo a mane le mashome a mara-... le—le mashome a robedi a metso e mene. Hantle, e otile hona botsekeng. Ka baka leo, he, re tseba ka ho phethahala, re tseba hantle, hore Lengolo leo le nepile. Ke ena moo e leng teng. Empa, le a bona, dintho tsena tsohle...

⁸⁶ Mohla Modimo o ne o nka lefatshe la morwallo mme o le senya ka metsi, ho ba ho fetoloa letsatsi la astronomi; ho ba ho dumellwa Maroma ho kena le ho iketsetsa almanaka ya bona, e leng e nepang eba e tlolaka, le jwalo-jwalo. Mme ke kgolwa, jwalo, esita le ho ensaetlopedia moo ke ne ke ntse ke bala teng.

⁸⁷ Be, eya bo, Moena Kenny Collins, na o teng ka mohahong hoseng hoo, Kenneth Collins? O a tseba mohla o no o nthomella qubuhadi eo ya ensaetlopedia? O sa hopola? Wa ba wa nthomella terekahadi ya yona moo. Ka nahana, “Ebe lenaka le letala kang nna le ka etsa’ng ka hoo?” O a tseba, o no tsamaiswa ke Morena, Kenny. Ke hona moo ke fumaneng boitsebiso, hantle ensaetlopedieng eo ya kgale, “nako,” mme ka lekodisa teng. Le Becky o di sebedisa sekolong sa bona. Ka di theolela phaposing ya ka ya ho bala, tlase phaposing ya ka

ya letsaba mokatong o ka tlase. Mme ra theohela tlase mono ra e fumana, mme teng ra e sheba, ra ba ra e fumana, hantle, dialmanakeng tsohle le nakong e kileng ya ba teng. Le a bona? Ka baka leo, ra e fumana.

⁸⁸ Ke eo, hantle, dilemo tse makgolo a mane le mashome a robedi a metso e meraro. Ho tloha taelong ya tsosa wona—ho tsosa ntlo, ho fihla mohla Morena Motlotsuwa a na a latolwa, e etsa dilemo tse makgolo a mane le mashome a robedi a metso e meraro hantle, ho latela almanaka.

⁸⁹ Jwale le a bona, re sebedisa almanaka yona ena mona. Hobane, ha eba Modimo o sebedisitse almanaka ena mona, jwale e ka kgona A e sebedise kamehla yohle ho haola le Bibebe. Na ho lokile? [Phutheho e re, “Amen.”—Mong.] Modimo ha o fetoh. Ka baka leo, ha diveke tse supileng e ne e le dilemo tse mashome a mane le metso e robong, diveke tse supileng hape ke dilemo tse mashome a mane le metso e robong. Veke e le nngwe ke dilemo tse supileng, le a bona, ka baka leo e phethahatsa hantle. Mme ha eba e otile botsekeng mono, e tla e otla botsekeng hape. Amen! Oho, kgidi! Hoo ho mphuduha kahohle. Oho, ke—ke rata—ke rata ho tseba seo ke buang ka sona. Ke—ke—ke a ho rata.

Hobane, jwale ka ha leqheku le leng le boletse, tlase mane Kentucky, ho nna, la re, “Ke rata ho utlwa ho bua motho, ya tsebang seo a buang ka sona.”

Ka re, “Ke rata jwalo, le nna.”

A re, “Ke bothata ba lona bareri, ha le tsebe seo le buang ka sona.”

⁹⁰ “E,” ka rialo, “ke ananela thoriso ya hao, empa ho na le dintho tse ding moo re tsebang seo re buang ka sona.” Uh-huh. Ke hantle. Ke a tseba ke tswetswe labobedi. Ke a tseba ke tlohile lefung ho kena Bophelong. Ke a tseba Modimo o teng, hoba ke buile le Yena.

Ka Mo dumella ho bua ka nna, le ho bua le nna, le ho bua le ba bang, le ho mpolella ka ba bang. Mme ha ke a tseba hore Ke Modimo. Ke hantle. O bile mosa hakana ho theoha le ho dumella setshwantsho sa ka ho nnkuwa le Yena, moo lefatsho la mahlale le ke keng la e latola. Mme ha ke phetla Lengolong ke bone hoba ke ho phethahatsa mongwahahakgolo ona hantle, yona ntho e etsahalang hantle, ke bile ke a tseba re se re fihlile mona. Amen.

⁹¹ Jwale, mohlomong ha re a ruteha. Mohlomong ha re batho ba dimelala [Eng: ‘highfaluting’—Moft.], le dintho tse kang tseo. Mohlomong ha re batlotlehi, empa re tseba Modimo. Re a Mo tseba hobane Moya o Halalelang o teng, le a bona, mme e bapa ka Lentswe-ka-Lentswe hohle Mangolong, hape re a tseba hoo ke nnete. Re phela matsatsing a qetelo.

⁹² Jwale, mona, hopolang jwale, hono, selemo sena sa boporofeta, sa matsatsi a makgolo a mararo le mashome a tsheletseng selemong. Shebang ntho e nngwe le e nngwe e sele. Tlhaho, ha eba ba bang ba lona ba ka utlwisia, esita le ho basadi, le jwalojwalo. Le a bona? Mashome a mararo, matsatsi a mashome a mararo, bonang feela ke—ke... Tlhaho yohle e radilwe ka mokgwa o jwalo. Le a bona? E seng mashome a mararo le motso, mashome a mararo, mashome a mabedi le metso e robedi, kapa ntho e nngwe. Ke matsatsi a mashome a mararo hantle. Selemong se seng le se seng, eo ke almanaka ya seporofeto, matsatsi a makgolo a mane a nang le mashome a robedi le metso e meraro hantle.

⁹³ Mona re fumana hantle bopaki ba seporofeto, makgolo a mane a dilemo a nang—a nang le mashome a mane le metso e mehlano, pele, di ne di nepile hantle. Jwale, hoo hohle ho ne ho porofetetswe ho etsahala. Mme diveke tseo tse mashome a supileng ha di a hlaha mehleng eo, ka hona di beetswe tsatsi la ho qetela jwale.

⁹⁴ Jwale, baenabeso ba Pentekosta; jwale, baena beso ba Jehovah Witness; le a elellwa na? Na le tseba moo ba dikete tse lekgolo le nang le mashome a mane a metso e mene ba hlahleng teng? Na le tseba moo mehlolo yohle e meholo ya Ditshenolo e hlahleng teng? Ka kwana mongwaheng wa Bajode, e seng ho wa rona. Ha ho letho le ngodilweng ka wona, haese feela Kereke e itokisang mme e ba e tswa. Ehlide, ka matla a Modimo, re etsa mehlolo le diketsa tsa bonatla. Re tseba seo. Empa ntho ya nnete e ne e lebisitswe mona ho Bajude; ke bolela, matla a nnete, a sebetsang, tsebetso-ya-mehlolo. Ba bane...

⁹⁵ Ba dikete tse lekgolo le nang le mashome a mane le metso e mene ha ba hlahelle mono. Ba ka kwana... Ha ba hlahelle kgaolong ya boraro. Ba kwana Mangolong, pejana. Mme jwale re a bona ntho ena yohle e ne e tla etsahala, e ne e le ka kwana mehleng ena ya veke ya mashome a supileng, veke ya ho qetela. Jwale, efela ha ba amohetse diveke tse mashome a tsheletseng a metso e robong, ba e phetse hantle feela kamoo Modimo o buileng ka bona, mme e phethilwe hantle kamoo Modimo o itseng e tla phethwa, jwale he ho sa na le veke e le nngwe e tshepisitsweng Mojude. Jwale, baena beso, itlhopheng feela. Le a bona? Le a bona? Utlwa mona re atametse hakakang. Veke ya ho qetela, supa, selemo sa bosupa.

⁹⁶ Jwale, na motho e mong le e mong o a utlwisia ho fihla mona, ha le kgona? Motho e mong le e mong o a utlwisia ho fihla ha kana, hore ke Nnete ka ho phethahala. Ke Bibe. Ke dilemo tsa boporofeta.

⁹⁷ Jwale re a nyoloha, mme ra ba fihlisa mona ho latoleng Motlotsuwa, le a bona, ho tloha... ho fihlisa ho latoleng Motlotsuwa, veke ya ho qetela.

⁹⁸ Jwale, ke batla ho emisa hona mona motsotso feela mme ke hhalose taba ena. Hore, mohla ba ne ba latola Motlotsuwa, ke mohla bao, ehlile, ba ne ba hana Jesu jwale ka Mopholosi, mme ba Mo thakgisa. Hopolang seo Bibele e se buileng hodimo mona, "Mme O tla kgaolwa, empa e seng ka baka la Hae, Motlotsuwa, Morena." Jwale hopolang kamoo seporofeto seo se otgileng haufi-ufi. Ke batla ho sotetsa taba ena ka ho lona. Hore, ha eba seporofeto seo se otlide hantle ho ya fihla letsatsing, hantle ho ya fihla nakong, le kamoo e boletseng hoba e tla hlaha hantle; ena e nngwe ya bosupa, veke tse supileng tsena tse setseng... dilemo di le ding tse supileng, ke rialo, (matsatsi a supileng: dilemo tse supileng), di tla otla botsekeng hantle ho ya ka Lengolo.

⁹⁹ Jwale le hopole, O ile a kgaolwa, Motlotsuwa. Bajuda, Modimo o ile wa kgaotsa ho sebetsana le bona. Ha ba ka ba hlola ba tswela pejana. Yaba ba qhalwa ke Roman Empire. Mme, hape, ha le ka hlokomela chateng ya ka mona, ke batla le utlwisise taba ena mme le e tshwantshise. Na le ellewa mona moo ke takileng sefapano? Ke hona moo ba latotseng teng. Empa nako yona e ile ya lelefala haholwanyane mono, le bona. Hobaneng? Mashome a mararo, mashome a mane, mashome a mahlano, mashome a tsheletseng, mashome a supileng. Dilemo tse mashome a mane hamorao, Titase, mogenerale wa Moroma, a senya Iseraele, Jerusalema, mme a qhalanya setjhaba lefatsheng lohle. Le a bona, Titase, dilemong tse mashome a mane hamorao. Ka baka leo, hantle-ntle, nako ya Bajude e ile ya lelefatswaho fihlela bottalong...

¹⁰⁰ Modimo o ne o sa sebetsane le bona. O sebetsane le bona feela ho fihlela ba latola Kreste. Eitse ha ba thakgisa Kreste, ba howa, "Madi a Hae a be hodima bana ba rona," mme esale ho le jwalo ho tloha mohlang oo. Empa le pele ba qhalwa... Mamelang! Oh, moena! Pele bohole ba qhalanyetswa lefatsheng lohle, ho nkile Modimo dilemo tse ka bang mashome a mane ho heletsa tempele le ho ba qhalanyetsa lefatsheng lohle. Empa Modimo wa kgaotsa ho sebetsana le bona hape. Modimo ha o a ka wa hlola o sebetsana le bona hape.

Wa tswela pele ho sebetsa le Baditjhaba. Le tseba hoo, le a utlwisisa jwale? Jwale, mona re qala ka mengwahakgolo ya dikereke, nako ya Baditjhaba, Modimo o hole le Bajuda.

¹⁰¹ Jwale, ngwaneso wa mishinari, ya neng a ya—a ya—a ya ho Bajuda, moena ya ratehang ya teng mona kae-kae. Seo ke batlang le se tshware le ho se utlwisisa ke sena. O a bona, Modimo o kgaoditse ho sebetsa le Bajuda hona mono, hoba kamehla Modimo o sebetsa le Iseraele jwale ka setjhaba. Re tseba bohole. Iseraele ke setjhaba. Baditjhaba ke batho, mme O na loketse ho ikgethela batho hara Baditjhaba, bakeng sa Lebitso la Hae. Re tla kena moo metsotsong e mmalwa.

¹⁰² Empa jwale, ho mengwahakgolo ena ya dikereke tse supileng eo re fetileng ho yona, nakong ya Baditjhaba, ho tloha thakgisong ya Kreste ho fihlela qetellong ya mengwahakgolo ya dikereke. Jwale re fumane taba eo. Re fetile ho yona, ho theoha jwalo. Jwale re fihla sebakeng seo re ka otlang taba ena, ho kena Ditiisong tse Supileng, Dinkgo tse Supileng, Diterompeta tse Supileng, le hoo hohle, mme re di tshwantshe mmoho; tsohle di sebetsana le Bajuda, le kahlolo ya Modimo bathong ba hodima lefatshe. Le masalla...

¹⁰³ Hopolang, nakong e kgolo ena ya hloriso, ho na le dimilione tsa Baditjhaba tse tla shwa mono. Monyaduwa eo ya lahlilweng, hoo—hoo masalla ao a peo ya mosadi, barwetsana ba robetseng, o feta hara ntho eo hantle. E—e hlakile hakaalo ka diveke tsena tse mashome a supileng feela; ho hlaka hakaalo feela. Mme ba tla feta hara yona. Ka baka leo, ha o se na Moya o Halalelang, o mpe o ye ho Wona kapele kamoo o ka kgonang. Re nakong ya qetelo.

¹⁰⁴ Jwale lemohang, mengwahakgolo ya dikereke tse supileng. Jwale, ha kea tlameha ho feta ho yona, hoba re na le yona teiping, mme e kenngwa dibukeng le nthong e nngwe le e nngwe. Mono, ke hona moo Modimo o sa kang wa re ho tla ba le matsatsi a makana, dihora tse kana, kapa dilemo tse kana; ha O a bua letho. O itse, “Ho be ho fele nako ya Baditjhaba.” Ho re, “Ho fihlela!” Marako a tla heletswa ho be ho fihle mohla Modimo o qetang ho sebetsa le Baditjhaba.

¹⁰⁵ Jwale, re a fumana, hore ho theoha le mengwahakgolo ena, re fumane hobane Moya o Halalelang o a kena. Mme yaba Modimo, morao kwana tshimolohong, o qala a ba jwetsa, nyedisong ya Kreste, Modimo wa bontsha Johanne hantle se neng se tla hlaha mehleng ya puso ya Baditjhaba. Jwale, le a bona, rona ha re na nako ya letho e lekantsweng, jwale ka Bajuda, empa re na le pontsho. Re na le—re na le tshiya ya pontsho. E, Modimo o entse ho Bajude hantle seo O itseng O tla se etsa dilemong tseo tse mashome a tsheletseng le metso e robong, kapa, e ne e le dilemo tse makgolo a mane le mashome a robedi a metso e meraro, empa ke diveke tse mashome a tsheletseng a metso e robong. Mme ho setse veke e le nngwe, ho sa ntse ho lekantswe veke e le nngoe hape.

¹⁰⁶ Jwale, re ke ke ra e kenyeltsa *mona*, hoba mona ke Baditjhaba, Kereke. Jwale, ke ba bakae ba utlwisisang hoo? [Phutheho e re, “Amen.”—Mong.] Jwale, ena ke Ditshenolo, ho qala ka kgaolo ya pele, ho fihlela kgaolo ya boraro e re tshedisetsa ho Laodisea. Jwale, re bona hantle kamoo e neng e le Kereke kahohle kateng, Kereke ya lefatshe ka boyona. Modimo o no o sa kenyeltsa moetsadibe, o mpa feela...haese ha a batla ho pholoswa. Empa, Kereke ya lefatshee e ne e le bosweu kaofela; yaba ho tla Banikola ba neng ba batla ho bopa mokgatlo. Dimelala di ile tsa kena ho wona. Mona e ne e le

Nicaea, Roma, mohla ba ne ba tshwere Nicene Council. Mme ba etsa'ng? Bahlophisa kereke, yaba ba qala ba hlorisa Mokreste. Yaba, mongwahakgolong o latelang, Bokreste, mokgweng wa kolobetso ya Moya o Halalelang, bo batla, bo falatswa bohole.

¹⁰⁷ Empa he, lona le a tseba, hore ke ile ka kgutla mme ka nka histori, *Nicene Fathers*, le *Pre-Nicene Fathers*, le dihistori tsohle tsa kereke, le dingolwa tsa kgalekgale ka ho fetisisa tseo ke neng nka di fumana, mme se seng le se seng sa tsona sa le pakela hore Kereke eo Modimo o no o bua ka yona e ne e se kereke e hlophilweng eo ya Katolike kapa e ne e se mokgatlo o sele. Modimo o no o bua, mme dinaledi tse kgolo tseo tsa mongwahakgolo, e ne e le banna ba neng ba ruta kolobetso ya Moya o Halalelang, kolobetso Lebitsong la Jesu Kreste, le ho tla ha Moya wa Modimo, le—le ho bua ka dipuo, le phetolelo ya dipuo, le phodiso, le mehlolo, le dipontsho. Ke seo Modimo o se badileng. O ke ke wa fetola mohopolo wa Wona, wa re, “E jwale, monahano wa Ka ka Kereke ke ona, Kereke ya boapostola; jwale monahano wa Ka ke kereke ya batlotlehi.” Modimo ha o fetohe! E sa ntse e le Moya o Halalelang.

¹⁰⁸ Mme re a e hlokomela mme re a e hlahisa, jwale he, ha re bona tlhaho ya Modimo le seo A...le ho hlahisa Lengolo la Wona he. Mme re nto nka yona—yona histori e bontshang taba eo e otla botsekeng hantle; ho fihla letsatsing, ho fihla nakong, ho fihla nthong e nngwe le e nngwe eo Modimo o e buileng ka Johanne, e tla etsahala, e hlahetse mongwahakgolo oo wa Baditjhaba.

¹⁰⁹ Jwale, re iphumana, ntle ho seriti sa pelaelo, re le Mongwaheng wa Laodisea. Re a tseba re mono. Re fetile Mongwaheng wa Luther; re fetile mongwaheng wa Wesley; jwale re Mongwaheng wa Laodisea, mongwaha wa ho qetela. Mme re a elellwa hore e nngwe le e nngwe ya dikereke tseo e fumana moromuwa. Re fumana hono. Dinaledi tse supileng letsohong la Hae, tseo e neng e le Meya e Supileng e tswileng ka pel'a Modimo. E nngwe le e nngwe e-na le moromuwa. Mme ra theoha le ho fumana, ka Bibele, seo semelo sa moromuwa eo e ne e tla ba sona, semelo seo moromuwa a tla ba le sona. Mme ra thonya historing monna ya na jere semelo seo. Mme hoba re fumana historing monna eo, ya na jere semelo seo, ra fumana hoba e ne e le moromuwa ho mongwaha wa kereke eo. Ra nto fumana mofuta wa Moya, le seo monna eo a ileng a se etsa. Mme ra fumana e ne e le mohalaledi ya tletseng Moya o Halalelang, Saint Ireneaus, le ba bang bao bohole, le—le Saint Columba's, le banna bao bohole ba tletseng Moya. Mme re tseba hoo, ka Lengolo, hore mofuta oo wa Moya o ne o ka kgona o dule hodima monna wa mofuta oo bakeng sa nako yona eo. Ke eo moo e leng teng, ka baka leo e ke ke ya fosa. Amen! Kganya ho Modimo! Hoo feelsa ho ...

¹¹⁰ Ha ke tsebe, moena. Ho bohlokwa ho nna ho feta ntho e nngwe le e nngwe eo ke e tsebang, o a bona, hoba ke Lentswe la Modimo le buang ka boLona. Ha ke utiwa Modimo o bua ntho, ke re, “Amen! Ke nnete. Ho lokile.” O a bona? Ho dula ho le jwalo. Ke photo. “Modimo o boletse jwalo.” Hoo, ho qeta tsohle.

E, Modimo o boletse e tla hlaha ka tsela eo, mme re e fumane historing le ka Lengolo. Re ne re bala ka mongwaha wa kereke ena, seo e ne e tla se etsa, se neng se tla hlaha, le hobane moromuwa wa mongwaha oo wa kereke e ne e le wa mofuta ofe. “Ho—ho lengeloi la kereke ya Laodicea. Ho lengeloi la kekeke ya Sarda, Thyatira,” tsena tsohle tse fapaneng. Mme re kgutlela morao historing mme re fumana e—e moromuwa wa kereke eo, mme ra fumana hore e ne e le mang. Ka baka leo ra e taka, ra bea mabitso a bona ka tlasa yona, mme ke bao moo ba leng teng. Le a bona, re a tseba e otlide botsekeng hantle.

¹¹¹ Jwale, mme re a tseba haesale Modimo, haesale kamehla, esale ho le jwalo kamehla, a le kgahlano le bodumedi bo hlophilweng. E, monghadi. O e buile. “Banikola, ba ke ba hloileng!” *Nickao* ke ho re “ho hapa phutheho.” *Laity* ke, laity ke, “kereke, mmele.” *Nickao* ke ho re “ho hapa, ho hlola,” ka mantswa a mang, “ho hlahisa monna ya halalelang, motho e mong hodima e mong.”

Re bana kaofela. Re na le Morena a le mong, ke Modimo. Re na le Mohalaledi a le mong feela, mme ke Modimo. Amen! Mme O hara rona, ka sebopheho sa Moya o Halalelang. Ke Yena Mohalaledi.

¹¹² Jwale, re theoha ho fihla re kgotswe ka nnete hobane ha re feta e—e mongwaheng wa Bajuda re ba abetse diveke tseo tse mashome a tsheletseng le metso e robong hantle, ka histori, ka almanaka, ka selemo sa Modimo sa boporofeta, ho kenya histori ya almanaka ya boporofeta, ho tloha Testamenteng ya Kgale ho kena ho e Ntjha, le ho bontsha e tshwana hantle. Le a bona?

Jwale ra nka kereke ya Baditjhaba ho tloha tshimolohong, ho fihla tlase tsatsing la ho qetela, mme re a tseba re phela tsatsing la ho qetela. [Moena Branham o otlide ha mmalwa sefaleng—Mong.] Amen! Le a utlwisia? [Phutheho e re, “Amen.”] . . . ? . . . [Moena Branham o otla hang sefaleng—Mong.] Jwale, he, ha eba re phela tsatsing lena la ho qetela, qetellong ya mongwaha ona, jwale e tla ba re ho kae he?

¹¹³ Lemohang, morao mona, le bona mola ona o takilweng morao *mona*, moo Modimo o sebeditseng le Bajuda. . . Kapa, wa kgaotsa ho sebetsa le Bajuda, ho Mo nkile nako e telele ho fihla ho bona. Ho Mo nkile dilemo tse mashome a mane ho ba

fihlisa boemong boo A n'a ka ba senya, ditjhabeng tsohle. Hohle, matsatsing a Baditjhaba, A loketse ho ba kenya boemong pele A phetha Lentswe la Wona. Le bona seo ke se bolelang? [Phutheho, "Amen!"—Mong.] Bohle ba utlwisisang, e reng, "Amen!" ["Amen!"] Le a bona, ke batla ho kgodiseha hore le a e tshwara.

¹¹⁴ Jwale ho etsahetse'ng? Shebang hodim'a mongwahakgolo ona wa kereke ya ho qetela. Na le bona kekeletso e nyenyane ee? Matsatsi a Baditjhaba a fela. Mme dilemong tsa ho qetela tse mashome a mane, Bajuda e sa le ba kgutlela Jerusalema, ho kgutlela lehaeng la bona. Hallelua! Le bona moo re leng teng? Ho nkile dilemo tse mashome a mane, ho tloha ho kgaolweng ha Motlotsuwa, ho fihlela Titase a senya tempele le ho hasanya Bajuda. Ebile dilemo tse ding tse mashome a mane moo Modimo o thatafaditseng pelo tsa boFaro ba mefuta yohle nqalong tsohle, mme oa qhobela Bajuda lehaeng la bona hape. Empa kajeno ba boetse lehaeng la bona, mme Kereke e pheletsong. Amen! [Moena Branham o a kgutsa—Mong] Oh, ke—ke—ke mpa ke leka ho bala; ha ke kgone.

¹¹⁵ Lemohang, Bajuda ba lehaeng la bona, mme e sa le ba ntse ba kgutla. Ha le ka nka *Decline Of the World's War*, volumo ya bobedi, mohla Mogenerale Allenby, ka mora Ntwa ya Pele ya Lefatshe, o ile a fofela hodima Jerusalema mme a e hapa, mme a nka Jerusalema. Mme banna bao ba Bakreste ba ne ba hwanta hara Jerusalema ba rotse dikatiba tsa bona. Mme Allenby a ineela ntle le ho thunya ka sethunya...kapa—kapa ba inehela ho Allenby, ma-Turks. Mme ho tloha mohlang oo, Modimo wa tloha wa thatafatsa pelo ya Mussolini, pelo ya Hitler, pelo ya Stalin, pelo tsa batho naheng yohle, ho hloya Mojuda.

¹¹⁶ Hape le dinonyana tse kgolohadi tse ileng tsa ubella, tse bitsitsweng Eastern Airlines, kapa Pan American Airlines, kapa seo e ne e le sona feela. Ke kgolwa di ne di bitswa TWA. E ne e hlahile ka hara—hara makasine, makasine wa *Life*, ke a kgolwa e ne e le ona, *Look* kapa *Life*. Ke dumela e ne e le *Life*. Dilemong tsa ho qetela feela tse tharo kapa tse nne, mme Modimo esale o akofisetsa Bajuda morao lehaeng la bona, etswe esale ba tsamaile dilemo tse dikete tse pedi, nakong eo Baditjhaba ba ntseng ba itlhophha. Mme jwale Baditjhaba ba ntshedite Kreste ka ntle ho kereke, ho latela Ditshenolo kgaolo ya boraro. O sitwa ho kgutlela ka hara Kereke ya Hae. Ha ho tulo eo A ka yang ho yona. O latotswe.

¹¹⁷ Mme ke nako ya Tlhwibilo. Balopollwa bohole ba fetileng *mona*, mathebana ana a tjenana, ke ho nyoloha ha bahalaledi tsohong. Le a bona, re kopana mmoho bohole hantle *mona*. Bibele e boletse, "Rona ba saletseng ba phelang ho tleng ha Morena re ke ke ra raka kapa ho sitisa ba robetseng." Tsela yohle ho tloha *mona*, *mona*, le *mona*.

¹¹⁸ Ho tla jwang, moena wa Pentekosta, ho tla jwang ha o ba kenyelelsa bohole mona Mongwaheng wa Kereke ya Laodicea?

Ba ka hare ka mono, ba robetse, mongwaheng o mong le o mong wa ena, ba lebeletse. “Mme rona ba phelang, sehlotshwana se setseng mona, se phela ho fihlela... Ho tla ha Morena ho ke ke ha sitisa ba robetseng; hoba terompeta ya Modimo e tla lla, mme ba shweleng ho Kreste ba tla tsoha pele; mme ke moo rona re tla nkuwa hammoho le bona.” Amen! “Le bona,” ke rona *bana*, re kopana *mona* hantle, “ho ya kopana le Morena sebakeng.” Mme ke moo he. Re hokae? *Mona* hantle. Messia o ile a kgaolwa ho kae? Hantle moo Lentswe le boletseng teng. Veke eo ya mashome a supileng e tla qala hokae? Hantle feelsa ka mora ho kgaolwa ha Kereke ena. Modimo o ntano kgutlela ho Bajuda.

¹¹⁹ Ha le hopole na, hore, hang feelsa ha Kereke e tsamaya—Kereke e tsamaya, Bajuda ba nka, ba kena? Empa, pele, ntho e latelang tatelanong, ha se setjhaba—tsoseletso ya setjhaba e matla hara Baditjhaba. Ntho e latelang tatelanong, ke ho tla ha Mmuso wa Modimo, ho Tla ha Kreste.

¹²⁰ Jwale, ha le ne le batla, re ne re tla kgutlela morao mona jwale ho Daniele kgaolong ya bo 2, temana ya 34 le temana ya 35. Mme eitse ha Daniele a fuwa...kgaolo ya 2, 34 le 35, Daniele hoba a fuwe pono ya hore matsatsi a setjhaba sa habo a na fedile, le bakeng sa nako e ikgethileng, mme a bona Baditjhaba ba kena. Le ho bona pono ya lejwehadi lena le leholo mona, kapa setshwantsho sena sa se tonana se seholo, se ena le hlooho ya gauta, le sefuba sa silifera. Jwale hlokomalang, se ntse se eketsa bothata, silifera ho ya ho gauta. Ntho e latelang, dirope tsa tshepe... kapa dirope tsa borase. E nto ba maoto le meomo ya tshepe. Empa menwana, e ne e le menwana e leshome, mme menwana eo e le tshepe le letsopa. Mme a re, “Erekaha o bone tshepe le letsopa di sa kopane, mebuso ena ka karohano e ke ke ya teana o mong le o mong, empa e tla tswaka dipeo tsa yona mmoho, ho leka ho roba matla a o mong.” Le a bona?

¹²¹ Jwale, se etsahetseng, hloho ya gauta e ne e le Nebukadnezare, etswe a e hlalositse. Ho re, “Ho tla tla morena e mong mme o tla qwaketsana le wena,” e ne e le Dariuse, Bamede-le-Bapersia, ka ho hapa mmuso wa Baditjhaba. O latelang o kenang, ka mora Bamede-le Bapersia, e ne e le ofe? Bagerike, Aleksandere e Moholo, le jwalojwalo; Bagerike ba ile a hapa Mmuso oo. Yaba ke ofe o hapang ho tloha ho Bagerike? Baroma. Mme ke ofe o busitseng Baditjhaba ho tloha mohlang oo? Baroma! Baroma, jwale, eo e ne e le tshepe.

¹²² Jwale le ntoo lemoha Roma e tswella e ba e fihla qetellong, hoba ebile ya fihla qetellong ya menwana. Mme o bone seretse,

letsopa; mme hoo ke batho, seo re bopilweng ka sona. Mme tshepe, matla a Roma, a haola setjhabeng ka seng ho tseo. Mme Roma e na le matla setjhabeng se seng le se seng tlasa Lehodimo.

¹²³ Monna o mong feela lefatsheng ya ka emisang ntwa kapa a qala ntwa, ho se...ka ho bua lentswe le le leng. Ke mopapa eo. Ha a ka re, "Ho se be Mokatolike ya tshwarang sehlomo." Ho dutse ho le jwalo, moena, bua seo o batlang ho se bua. Karolo e kgolo ya lefatshe, ya Bokreste, ke Katholike. Le a bona? Ke hantle. Ere feela a bue lentswe, ho fedile.

¹²⁴ Jwalo feela ka ha ba boletse hodimo mona, "Ke mang..." Re tla kena teng hamorao. "Ke mang ya ka lwanang le sebata? Ke mang ya ka buang jwale ka yena? Ke mang ya ka kgonang? Jwale he, a re etseng setshwantsho sa sebata." Ke selekane sa dikereke seo, "ho etsa setshwantsho sa sona." Le a bona? Ho kopanya dikereke tse hlophilweng hammoho, e leng taba eo ba seng ba e entse. Oh, re pheletsong feela. Ke phetho, motswalle. Re mona qetellong feela. Le a bona? "A re etseng setshwantsho sa sebata, "ntho e tshwanang le sona. Setshwantsho ke ntho e tshwanang le e nngwe. Le a bona? Jwale re nakong ya qetelo.

¹²⁵ Jwale hlokamelang ka hare ka mona, qetellong ya mongwaha ona. Jwale, Daniele, kgaolong ya bo 2, le temaneng—temaneng 34 le 35, o ne a shebile setshwantsho sena ka tsoto e kgolo. Mme a sa shebile Lejwe le kgephoha thabeng, e se ka matsoho, mme La thetheha la ba la otla setshwantsho maotong, mme la pshatla ntho eo. Jwale, ha Le a ka la se otla hloohong, jwale. La se otla maotong; eo e ne e le pheletso ya nako, menwana e leshome eo ya maoto.

¹²⁶ Na le hlokometse, mona hantle, pejana feela Mong.Eisenhower a tswa, Moprotestanta wa ho qetela wa... wa Amerika, bo-bo Presidenteng, athe ke belaela e mong a sa tla ba teng. Empa—empa mohla... ho bontsha taba eo feela, hola feela batho ba ka phaphama. Mohla a na a kopana, ho ne ho e-na... Kopano ya ho qetela eo (ba) a kopanang le Rashia ho yona, dinaha tsa Botjhabela tse hlano tsa bokomonisi di emetswe teng, dinaha tse hlano tsa Bophirima. Mongh. Krushchev e le hlooho ya dinaha tsa Botjhabela. Mongh. Eisenhower e le hlooho ya dinaha tsa Bophirima. Mme Krushchev, kamoo ke utlwisisang le jwale ka ha ke boleletswe, hore ka puo ya Rashiya, Krushchev e bolela "letsopa." Mme Eisenhowe r bolela "tshepe," ka Senyesemane. Tshepe ya lona le letsopa ke tseo, di ke ke tsa kopana. Mme o ile a rola seeta sa hae mme a otla sefala ka sona, le ntho e nngwe le e nngwe eseles. E ke ke ya kopana.

¹²⁷ Empa e ne e le mehleng ya mebuso ena ha Lefika leo, Lejwe le kgephotsweng thabeng, e se ka matsoho, le otlang

setshwantsho maotong. Jwale, "Ho kgepholwa thabeng." E tshwanetse e be ne e le thaba ya lejwe. La kgepholwa thabeng ya lejwe. Jwale, na le lemohile?

¹²⁸ Jwale, banabeso bareri, le baena le dikgaitsedi, hohle lefatsheng. Ho latela kutlwisiso ya ka, Bibele ya pele e ngotsweng, Modimo o e ngotse sebakeng, hoba ba tshwanetse ho lelalla mme ba bone hore Modimo o—o teng Lehodimong, hore Modimo o hodima bona. Mme ha le hlokomela ho zodiaka [melao ya leholimo—Moft.]...Jwale motho ofe kapa ofe ho lona a se ke a tsamaya ka.... Le tsepame Bibeleng ena mona. Le a bona? Empa, yona—yona zodiaka, e qala ka ntho ya pele ho zodiaka kamoo ke utlwisisang, ke morwetsana; ntho ya ho qetela palong ya zodiaka ke Leo e leng Tau. Hoo ke ho Tla ha pele ha Kreste, ka morwetsana; ho Tla la bobedi, ke Tau ya leloko la Juda. Le a bona? Yaba re fumana mongwaha wa mofetshe, mme, hape, le ho theoha jwalo ho Zodiaka.

¹²⁹ Jwale, re fumana ho ile ha ngolwa e nngwe, kapa ha bewa e nngwe, mme e ne e le dipiramide. Na le hlokometse ho dipiramite, kamoo e qadileng kateng, e le sephara maotong, jwale ka thaba, e entsweng ka lejwe le thata, ya nyoloha hantle ya ba ya fihla hlorong? Empa ha ho sekwahelo se kileng sa bewa hodima piramite, piramite e kgolo mono Egepeta. Ntshang ya lona....Ha o tshwere pampiri-tjhelete ya dolara mokotlaneng wa hao, ntsha pampiri-tjhelete ya dolara mme o e shebe. Mme o tla fumana tiiso ya Amerika ka lehlakoreng le leng lena, mme ka lehlakoreng le leng, tlase, e na le piramite. Mme hodim'a piramite, lejwesekwahelo, empa ke leihlo la le tonana le leholo. Mme e bitswa, tlase maotong a piramite ena, "Tiiso e kgolo." Hobaneng ntsu ya Amerika e se tiiso e kgolo? Ke tiiso ya Modimo eo. Hopolang, re ne re tlwaetse ho bina thokonyana:

Leetong lohle ho fihla lehaeng la nneta la
moya,
Leihlo le o shebileng le teng;
Kgato nngwe ya hao, Leihlo le leholo lena le
fadimehile,
Leihlo le o shebileng le teng.

Ke hantle. Hopolang, re ne re tlwaetse ho tshwara nthwana—nthwana jubile e nyenyane, re ka rialo.

Ha o utswa o qhekanyetsa o le leshano, mme o
paka ka kerekeng,
Leihlo le o shebileng le teng.

¹³⁰ Jwale, tiiso e kgolo. Jwale, re a tseba, mme ha ke e utlwisiso, tekanyo ya piramite. Empa ke sa tswa le bolella maoba lona batho ting, ho tse ding tsa dithuto tsena tse tllang, le tle le e bone kaofela e tswela pele, mmoho.

¹³¹ Jwale, piramite e qadile, e tshwantsha Kereke, e le sephara maotong. Mme ha e ntse e atamela hlorong, e qala e nka e—e sebopheho sa motsullupe ho feta.

¹³² Jwale, re a fumana hore, e nyolohela hantle hona qhoweng ya hloro, mme ha ba e qetella. Hobaneng? Hobaneng? Ke a ipotsa hobaneng! Hoba Bibebe e itse Lejwesehlooho le ile la lahlwa. Ba ile ba lahlwa.

¹³³ Jwale hlokamelang, mongwahakgolo wa kereke... Mamedisisang jwale. Le se fose taba ena. Mongwaha wa kereke o simolla qalong ya hlabollo, Luthere, morao mono moo majwe a motheo a na a bewa teng, e leng thuto ya baapostola. Re nto fumana, ha nako e ntse e tsamaya, ho tloha mongwaheng o mong ho ya ho o mong, Kereke e nka palo e nyenyane ho feta ka dinako tsohle. Ho fihlela, e fetile jwaloka... Luthere o rerile tokafatso. Mohlang oo, ho ba feela, ho ipolela o le Mokreste, ba ne ba tla o bolaya, matsatsi a babolaelwatumelo, bashwelatumelo.

¹³⁴ Jwale re fumana hore, matsatsi a Wesley, o no o le holly-roller ha o no o ipolela o le Mokreste mohlang oo, Methodise eo e ntjha. Batho ba ne ba fihle mona mohla Wesley a na a fihla mona, le Asbury, ba tshwara dikopano mona Amerika, ha o bala histori ya bona, hoo ba neng ba e tshwarela meahong ya sekolo. Dikereke tsa bona mona di sa ba batle. Mme qetellong ba fihla moo Moya o Halalelang o no o tsholohela hodima bona, mme ba wele fulurung, mme ba ba tshele ka metsi, ba ba phoke ka fene, ba nahana hore ba akgehile. Mme nkile ka etela dikopano tsa bona ka bona, dilemong tsa ka tse mashome a mahlano. Mme ka bona ba diuwa ke matla a Moya o Halalelang jwalo, mme ba ba hase ka metsi sefahlehong, le ntho e nngwe le e nngwe, ma-free Methodise a kgale, dilemo tse ngata tse fetileng. E ne e le tlatlapo eo.

¹³⁵ Jwale, he, hoba mongwaha oo o phelwe o fete, mongwaha wa Wesley, ha kena mongwaha wa Pentekosta ka kolobetso ya Moya o Halalelang. Le a bona, le ntse le bopeha, ka nako tsohle. Jwale hopolang, Lejwesehlooho leo le ne le eso dule hodima yona. [Moena Branham o ngotse ntho e nngwe letlapeng mme a e batola ka tjhoko habedi—Mong.] Hobaneng? Ba ile ba bopa Kereke hantle feela, kapa ba kenya piramite sebophehong e tle e lekane Lejwesehlooho, empa Lejwesehlooho ha le a ka la tla le ka mohla. Oh, le bona moo ke leng teng, ha re ke re!

¹³⁶ Jwale, thuto ho tloha ho fihlela pheletsong ya Pentekosta, sehlotshwaneng seo se sa tsebisahaleng hodimo mona... Ke ka hona Lesedi le batlang le tima ho hang, mongwaheng wona, alamanakeng, chateng mono. Ke mongoahakgolo wa Pentekosta, pentekosta; e seng—e seng phutheho tsa mekgatlo ya Pentekosta, hoba di futsitse Laodicea hantle. Ke Molaodicea. Ba etsisitse Banikola, ho hlophisa.

Empa Kereke ya nnete, lefatsheng lohle, e bopehile ho fihla moo thuto e leng hara Yona, e tshwanang le thuto ya Jesu Kreste hantle. Jwale ba na le eng? Ntho eo e ba kentse sebopehong. Jwale ho latela'ng? Lejwe lena le lahluweng, la piramite, le kgephotsweng thabeng (e se ka eng?) e se ka matsoho. Modimo o E rometse. Le a e bona? [Phutheho e re, "Amen." Mong.] Ya lahluweng, Lejwe le lahluweng, ke hlooho ya Hona; ke hlooho, lejwesekwahelo. Mme Yena eo ba mo lahlileng, mongwaheng wa Baditjhaba, ke Kreste. Mme Kreste ha a ka a kgephola ho hlongwa mona e le motho ya tulong tsa e mong, kapa mora Modimo, kapa motho ya phahameng ka hara kereke. Ke Moya o Halalelang. Mme sekwahelo sa piramite e tlabe e le ho tla ha Kreste. Le a e bona? ["Amen."]

¹³⁷ Jwale, erekaha ba bopehile, (Le bona moo ke bopileng ntho ena mona jwale ka piramite, tsoho ya bahalaledi?) ba kena mohwantong o yang Kganyeng. Le a e utlisisa jwale? [Phutheho e re, "Amen." —Mong.] Kreste, Lejwesehloho, Lejwe le lahluweng, Leihlo le bonang hohle, le tla hantle feela jwale ka ha Bibebe e boletse. Mme Daniele o boletse ha a ne a shebile mongwaha wona wa Baditjhaba ho fihlela ho tswa Lejwe thabeng, le sa kgephola wang ka matsoho. Ha ba e-so bee lejwesekwahelo hodima piramite eo. [Moena Branham o kokota habedi sefaleng.] Le ne le sa kgephola ka matsoho a motho. Ke letsoho la Modimo le kgephotseng Lejwe. Le a e bona? ["Amen."] Mme Le ile la etsang? La otla setshwantsho hantle maotong, mme la se pshatla dikotwana, ho se silakaya sa eba phofa. Alleluia! Ha etsahala'ng mohlang oo, ho tleng ha Lejwe leo? [Moena Branham o kokota hane sefaleng.] Kereke ya nyolohela Kganyeng, Tlhwibilong, hoba e fedisitse lekgathe la Baditjhaba. Modimo wa le fedisa; ho tla ha Lejwe leo.

¹³⁸ Ho n'o tle batho kerekeng mona, monna e monyenyan le mosadi wa hae. Ba ne ba nka Bibebe mme ba E bee kae-kae fatshe; mme ba ee jwalo, ba ntse ba bina:

Oh, ke batla Lejwe le thethehileng Babilona,
Le thetheha Babilona . . . (Ba potolohe hohle,
ba e tsoma, le a bona.)
Ke batla Lejwe leo le thethehileng Babilona.

¹³⁹ Ke Eo moo a leng teng! Kreste ke Lejwe leo. Ha A tswalwa ke motho. O tswetswe ke Molimo. O tlela Kereke e tswetsweng botjha, ke Moya wa Modimo, hoba matla a Lejwe leo a matha a haola hohle Kerekeng eo, jwale ka makenete.

¹⁴⁰ Ke hopola mohla ke etetseng hodimo mona, ke shebile lelwala leo mohlang oo, moo ba neng ba bopa dintho tseo tsohle. Mme malwanwahla ao a hasane mono, mme ba a fiella ka ntle. Lejwe le leholo leo la feta mme la se thonaka, lejwe le leholo leo la makenete, mme la se thonaka hoba se ne se hohetswe ho lona.

Le rona re loketse ho hohelwa Lejwesehloohong leo. Lejwe leo la sehlooho ke Moya o Halalelang, Kreste. Mme e mong le e mong wa rona o na le makenete oo wa Moya o Halalelang. Mohla Lejwe le otlang setshwantsho Kereke e tla balehela ho Lona, ho khutlela Kganyeng. E tla nkelwa hodimo, Tlhwibilong ya bahaleledi, mohla E tswang tsatsing leo.

¹⁴¹ Jwale, shebang mona. Re fumana hore, Bajuda esale ba ntse ba kgutla jwale, ka dilemo tse ka bang mashome a mane, nako e batlileng e lekana le eo ba e qetileng ho fihla tshenyehong ya tempeleng. Ho ba nkile dilemo tse ka bang mashome a mane ho kgutla, ho fihlela ba rala tempele e nngwe botjha. Le a bona, re pheletsong ya tsela hantle feela. Ke hantle, hola Baditjhaba...

¹⁴² Jwale a re nkeng nyee... Re bona Kereke, ho tla ha Lejwe. A re qotseng mongwaha wa ho qetela. Re fetile teng. Re a bona jwale. Ke dumela ke ngotse nthwana e itseng mona mabapi le hoo. A re boneng, motsotsa feela. "Mme morena ya tla tla, e leng antikreste, o tla hlaba selekane le Bajuda." Mme ho Daniele 7... kapa—kapa 9:27. "Mme mahareng a veke, dilemo tse tharo le halofo e le nngwe, sebata se tla hlaba selekane sa sona..." Ke—ke batla ho fihla tabeng eo, hamamorao, selekane seo. Re batla ho tlohela... Ke batla ho qala mona hantle jwale.

¹⁴³ O mong le o mong wa mengwaha ena ya Baditjhaba baromuwa ba yona ba pakilwe ho sa fanywe, ka molaetsa, le ka se neng se tla hlaha.

Mongwaha ona *mona* e ne e le mongwaha o kganyang.

Mongwaha o latelang, ha thwe ho tla hlaha thuto e bitswang kapa ho kene ntho e nngwe, e bitswang, "di—dipolelo tsa Banikola."

Yaba ho tla, ntho e latelang, ho kena thutong.

Ha ntano latela, lenyalo, la... ho ya kerekeng ya Banikola, le tlatlapo ya bahalaledi. Ntho e nngwe le e nngwe ya etsahala ka tsela eo feela.

Re ntoo tla ho o latelang, ho na le Lesedi le le nyenyane feela le qalang. "O sa na le matlanyana, mme o na le lebitso la hore o a phela, athe o shwele. Matlafatsa seo o se tshwereng, esere Ka tla, ka tlosa kandelare."

¹⁴⁴ Ha ntoo latela Wesley, ka mora moo, ka mongwaha wa hae. Re bone hantle feela... Mongwaha wa Wesley, o no o bitswa'ng? Filadelfia. Mongwaha—mongwaha o moholohadi wa lerato oo re kileng ra ba le wona le ka mohla, mongwaha wa Filadelfia, o no o le mehleng ya John Wesley hantle.

Hoba a tswe, ha kena Pentekosta, mme o ne o le fofo.

Re ntano kgutlela morao mme re fumane mofuta wa Molaetsa o no tla tla ho Mapentekosta, qetellong.

Hopolang, e mong le e mong o na fihla pheletsong ya mengwaha. Saint Paul o tlie pheletsong ya mongwaha. Ba bang bohole ba tlie pheletsong, Saint Irenaeus le ba bang bohole ba bona. Mongwaha wa e mong o tshedisetswa ho e mong, ho qaphana le oona, mme le yena a o nyolle mme a fetele le oona mongwaheng o latelang. Le a bona?

¹⁴⁵ Jwale, re a fumana, mongwaheng oona, ho na le naledi, jwalo ka ha re e fumana mono. Re na le naledi, moromuwa. Re na le motho, e—e Molaetsa o tswang o ya mongwaheng; batho ba O latolang; batho ba O amohelang. Mme moromuwa wa mongwaha oona o na loketse ho tla ka matla a Elia. Ke hantle. Mme o ne a tla “Kgutlisetsa Tumelo ya bana ho bontate, ho busetsa masalla a pentekosta, a setseng, morao Tumelong ya nnete ya boapostola.”

¹⁴⁶ Jwale, Tumelo ya nnete ya boapostola, ha le ka E bala Bukeng ya Diketso, le tla fumana ho se motho le ka mohla ya kileng a kolobetswa, “lebitso la Ntate, Mora, Moya o Halalelang.” Ha ho le a mong wa bona ya kileng afafatswa. Ho se ntho tsena tseo re bonang di etswa kajeno, tse bitswang Pentekosta, tse kileng tsa etsahala morao mane. Ba ne ba ena le diponahatso tsa mannete, le Moya wa Modimo hara bona, e ne e le Mora Modimo ya sa tlaileng ya na sebetsa le bona.

Motho enwa ya n'a tla tla, Molaetsa oona, ke rialo, o n'o tla hlaha, o n'o tla tshwana le Elia. Elia o ne a loketse ho tla makgetlo a mararo.

Jwale o bolela, hore, “Johanne Mokolobetsi e ne e le thaka leo.” Ha o ka lemoha, Jesu o boletse Johanne Mokolobetsi e ne e le moromuwa wa Malakia 3, e seng Malakia 4. “Bonang, Ke roma Lenqosa la Ka pela sefahleho sa Ka.” Ke nahana ke Matheu 11:6, kae-kae ho theoha mono le tla e fumana, Mattheu kgaolo ya 11.

¹⁴⁷ Jwale, empa matsatsing lena la ho qetela, e ka kgona Moya wa Elia o kene hara batho, mme o loketse ho etsa ntho e tshwanang le eo ba e entseng morao mane. Tlhaho ya hae etlaba ntho e tshwanang, tlhaho ya Kereke. Tlhaho—tlhaho ya motho eo e tlabo ntho e tshwanang hantle. Mme Molaetsa o tswang oo, leka . . . O tla hlouwa, ke batho. O tla hloya basadi, ba ditshila, le hona, ba babe. A rate nahathote; ya makwebete, motho ya hlabeihileng ka dinako tsohle, kamoo Elia a na le kateng, le kamoo Johanne a na le kateng. Mme re bone ntho ena yohle e etsahala. Haeba re fumane Molaetsa, re bona Kreste a latolwa. Eka kgona o be setho sa o mong wa mekgatlo ena ho seng jwalo o ke ke wa kena ka ho yona. Ka baka leo, Yena, O lahletswe ka ntle. Le a bona? Kreste a ke ke a sebetsa hara bona.

“O eng?”

“Mokreste.”

“O setho sa phutheho efe ya bodumedi?”

“Ha ke setho sa efe kapa efe ya tsona.”

“Re ke ke ra o sebedisa.”

¹⁴⁸ Le a bona, O a latolwa. Ke hantle! Le a bona, ho latolwa! Elia o latotswe ka ho tshwana, le Johanne a latolwa ka ho tshwana. Empa, eng, na ho ba hlabejisitse? Na taba eo e sitisitse molaetsa wa bona? Ba ile ba re, “Oho, lona ba melala e thata.” Ba ba tshella oona. Ha ba ka ba honyetsa ditebele tsa letho. Ba tswela pele hantle. Mme Molaetsa wa Modimo o tla tswelapele hantle, ho sa tsottelehe motho o itseng, le a bona, ho fihlela pheletsong, mme ha... se badilweng se tla tshollwa. Mme re qetellong.

¹⁴⁹ Jwale, re iphumana jwale, dilemong tse mashome a mane tsa ho kgutla, ho tloha First World War, mme Bajuda ba kgutletse lefatsheng la bona. Modimo ha o eso sebetse le Iseraele pele e kgutlela lefatsheng la yona.

¹⁵⁰ Jwale, le a hopola mohla Bajuda ba ne ba kgutla, Bajuda bao ho tswa tlase ditjhabeteng tse ding, mme makazine wa Look o no o hlahisitse seratswana sa yona. Ke badile sekotswana se tswang pampiring e itseng, makasine o itseng wa bodumedi, hore mohla ba ne ba... Difofane tseo di ne di fofole mono ho nka Bajuda bao tlase kwana Iran. Mme ha ke tsebe le dibakeng dife hohle moo ba ne ba le teng, ba hasane feela.

Jwale, bao ke Bajuda ba makoma, bao ba sa kang ba fumana monyetla. Jwale, moena, dikete tsa hao tse lekgolo le mashome a mane a metso e mene ke tseo. Ha re fihla ho Tshenolo 11, le tla ba bona. O boletse, “Ho na le meloko e leshome le metso e mmedi (ya Gade), meloko e leshome le metso e mmedi (ya Asere), meloko e leshome le metso e mmedi...” Mme bohole keha ba eme kae? Thabeng ya Sinai. Bajuda, morao lehaeng la bona, ke bao moo ba ne ba le teng. E le bona bao e seng sehlopha se kgopameng sena sa Wall Street. Tjhe, mongadi. E ne e le Bajuda ba makoma.

¹⁵¹ Mme yare ha leqheku lena la rabbi le tsoa mme le bona sefofane sena se dula, Bajuda bao. Le e badile makasineng. Ba sa ntse ba lema ka mehoma ya lehong. Mme eitse ha ba bona ntho eo e fetlama mono, ba sa batle ho se atamela. Leqheku leo la rabbi la tswela mono mme a re, “Hopolang, moporofeta wa rona o boletse, ‘Mohla re kgutlelang lehaeng la rona, re tla kgutla re jarilwe ka diphuka tsa ntsu.’”

Ditjhaba di a pshatleha, Iseraele e a
phaphama,
Pontsho tse boletsweng pele ke baporofeta.

Re se re bile re itokisetsa ho otla veke eo ya bosupa ya bona.

¹⁵² Ke nahana, ka nna, ha ke ne ke eme ntle mono, ha Moena Pethrus a na a romela Testamente tseo tse nyenyane, mme ba di bala. Ba re, “Tjhe, ha e le Messia enwa, re ke—re ke re Mmone a etsa pontsho ya Moporofeta; ha A sa shwa, O a phela.” Ba re, “O tsohile hape; O phela ka hara Kereke ya Hae; re ke re Mmone a etsa pontsho ya Moporofeta, mme re tla Mo dumela.” Kamehla Bajuda ba dumela . . . Ba tseba hore Messia e ne e tla ba Moporofeta.

¹⁵³ Mme mohla ke ne ke ema ha Moena Arganbright tsatsing leo, sebakeng seo, mme Bajuda bao ba eme moo, ba re, “Tloo tulong ya rona, bathong ba rona.”

¹⁵⁴ Ka re, “Ehlile, nka thabela ho tla.” Ka etsa qeto feela, ka potlako.

¹⁵⁵ Ka fihla Cairo, Egepeta. Bosiung bo bong, ha ke ne ke bona sefofane seo se theohela mono Cairo, sa nkgopotsa yona. E eitse ha re fihla mono, mme ke tshwere tekete ya ka ke ya Iseraele, ba ne ba tla nkgahlanyetsa. Ka re, “Eya, o phuthe baetapele ba dikete tse mmalwa. Ba bee lepalapaleng kae-kae, re tla bona hore E sale Moporofeta kapa tjhe. Amen. Tjhe, a re boneng seo A tla se etsa.” Oh, e le letsohong la bona hantle. E le sona seo ba neng ba se batla. Ha ba ne ba ka bona seo, ba ne ba tla se dumela.

¹⁵⁶ Ka baka leo ka etsa’ng? Ka theoha mono Cairo, mme ka qala ka nyolohela mono. Ke se ke fumane tekete ya ka; ho setse metsotso e ka bang mashome a mabedi pele ho bitswa. Ntho e nngwe ya re, “E seng hona jwale. Senwelo sa bokgopo, sa Baditjhaba, ha se eso tlale. Baamore ha ba eso phethahale. Itshole mono!” Ka hopola e le nna mohlomong ya nahanneng hoo, yaba ke potela ka mora mohaho wa difofane mme ka rapela. Ha thwe, “Itshole mono ha jwale.” Yaba ke nka tekete ya ka ke ya sebakeng se seng. Ka se ke ka ya, hoba hora ha eso fihle.

¹⁵⁷ Jwale, mohla Modimo a dumellang Bajuda bao, a qala a sebetsana le bona hape, nke ke ka le bolella. Ha ke tsebe. Ha ho motho ya tsebang hoo. Empa, mamelang, ha Iseraele e se e le lehaeng la yona, e se e itlhophile ka hohle. Majwe ohle a thonakilwe, le morero wa metsi a nosetsang, metsi, le ntho e nngwe le e nngwe eo Modimo a e tshepisitseng. Ba fumane didiba le dintho mono, le melapo e meholo e bulehileng, moo ke sebaka se fetisang ka botle seo o kileng wa se bona. Ba hahile motse mono. Ba na le morero wa metsi. Ba na le naha e fetisisang ka botle lefatsheng, mono. Mme re fumana, hore hantle ka hara Lewatle le Shweleng, ho na le matswai, a lekaneng, ho reka lefatsheng lohle. Le a bona?

¹⁵⁸ Ntho e nngwe le e nngwe e wetse matsohong a bona hantle. Ba e sebeditse jwang? Hobane pelo ya Hitler e ile ya thatafatswa, pelo ya Mussolini e ile ya thatafatswa, jwalo feela

ka ha pelo ya Faro e ile ya thatafatswa, le ho ba qhobela lefatsheng leo hantle. Mme e se e le dilemo tse mashome a mane ba ntse ba kgutlela, ho fihla lefatsheng leo. Jwale ke bao moo ba leng teng, ba lebeletse.

¹⁵⁹ Kereke ya Baditjhaba e Laodisea, pheletso ya Mongwaha wa Laodicea. Haeba... Bajuda ba lehaeng la bona, ba se ba le moo. Mme bokwenehi ba Baditjhaba bo se bo hlahile. Mme re na le Presidente e kang eo re nang le yona. Re na le setjhaba se pshatlehileng se kang seo re nang le sona. Re na le dibomo tsa athomo tse leketilileng mehahong ea difofane. Re na le kereke e fofa. Re na le Kereke, batho, ba ipokantseng hammoho. Re na le thuto e bapisang thuto ya Jesu Kreste, ho tle ho hokanwe le Lejwe mohla Le tlang. Ntho e saletseng ho etsahala ke efe? E ka hlaho motsotsong ofe kapa ofe. Ha ho letho le setseng. Re nakong ya qetelo. Oh, kganya! Ha ke tsebe hore na ke tla kgona ho kena jubileng eo, kapa tjhe, empa feela ke batla—ke batla ho le fa karolo ya yona, leha ho le jwalo.

¹⁶⁰ Mamelang. Na... Ke ba bakae ba kgonang ho bona jwale? Le bona moo lengolo le pakang hore diveke tse mashome a supileng e ne e le dilemo tse mashome a mane le metso e robong? [Phutheho e re, “Amen.” —Mong.] Le bona moo diveke tse mashome a tsheletseng a metso e mmedi e ne e le dilemo tse makgolo a mane le mashome a mararo a metso e mene? [“Amen.”] Le a bona moo e—e diveke tse mashome a tsheletseng a metso e robong he e neng—e neng—e neng... E ne e le eng? Makgolo a robedi... Dilemo tse makgolo a mane le—le mashome a robedi a metso e meraro. Dilemo tse makgolo a mane le mashome a robedi a metso e meraro ho fihlela nako ena. Le bona moo Morena a kgaotsweng teng? Le a bona, le fa Bajuda dilemo tse mashome a mane ho kena tulong tsa bona qetellong, moo Modimo a boletseng teng.

¹⁶¹ Shebang ka kwano mona moo mongwaha wa Baditjhaba o haotseng nthong ka nngwe eo re boletseng o tla e etsa; moo, ha se *rona* ba itseng o tla etsa jwalo; seo Bibele e itseng o tla se etsa. Seo Bibele e itseng o tla se etsa, ho theoha hantle ho fihla mongwaheng ona wa ho qetela; mme e se e le dilemo tse mashome a mane Bajuda bao ba kgutlela ka hare ka mona, ho itlhopiesetsa hore Modimo a etse seo O se entseng mona. Ba tswile ka tsela eo, mme ba kena ka tsela ena. Mme Iseraele e kgutletse lehaeng la yona hape.

¹⁶² Jwale, Modimo o tla qala veke ya bona ya ho qetela neneng? Neneng? E ka ba kajeno. E ka ba pele tsatsi le dikela bosiusing bona. Modimo o tla e hlahosa. Hore ke neneng, ha ke tsebe. Ke a ipotsa. Empa ke tla tlisa ntho e nngwe mona, jwale, metsotsong e mmalwa, mme ha ke tsebe le tla e dumela kapa tjhe. Empa ke—ke—ke loketse ho e bua, leha ho le jwalo, ke a dumela.

¹⁶³ Re lehaeng. Bajuda ba lehaeng. Re pheletsong ya mongwaha, re itokiseditse Tlhwibilo. Tlhwibilo e a tla, Kereke e a nyoloha, re nkelwa ho kopana le Yena sebakeng. Re tseba hoo bohole. Lejwe le kgephotsweng, thabeng, le mothating wa ho fihla nako efe kapa efe. Mme ha Le fihla, Le etsa'ng? Le fedisa mongwaha wa Baditjhaba. Ho fedile, mme Modimo o kgaotsa ho sebetsana le bona ka botlalo. "Ya silafetseng a nne a silafale; ya halalelang a nne a halalele." Le a bona? O etsa'ng he? O nka Kereke ya Hae, ba tlatsitsweng ka Moya o Halalelang.

¹⁶⁴ Ba "Silafetseng" ke bafe? Ke morwetsana ya robetseng le bao ba tla ema kahlolong, ka kwana *mona*. Re tla fumana ntho eo mmapeng o mong, ha re tswelapele re phethela oona, mohla a nyolohang a ema Kaholong ya Terone e Tshweu mme a loketse ho ahlolwa ke balopolwa. Paulose o re laetse ho se ise ditaba tsa rona lekgotleng, hoba bahalaledi ba tla ahlola lefatshe. Ke hantle. Re nakong ya qetelo, *mona*, jwale. [Moena Branham o lebisa sethwantshong se letlapeng la hae— Mong.] Ke hantle.

¹⁶⁵ Mme mahareng a veke ena... Jwale tse mashome a supileng ke tsena. Jwale, ha tsena e ne e le dilemo tse supileng hantle, e nngwe le e nngwe ya diveke, mme re se re qtile diveke tse mashome a tsheletseng a metso e robong; re ntano fumana mongwaha wa Baditjhaba, mme re a tseba re pheletsong ya mongwaha wa Baditjhaba; etlaba veke e le nngwe e sa saletse Mojuda. Na ho jwalo? [Phutheho, "Amen." — Mong.] Mme ke dilemo tse supileng hantle. Ha eba *hona* e ne e le dilemo tse supileng, *hwane* ke dilemo tse supileng, hoba O boletse, "Veke tse badilweng hodima setjhaba sa heno di mashome a supileng." Ka baka leo re a tseba re na le veke tse supileng bakeng sa Bajuda. Na hoo ke Nnete? ["Amen."] Jwale e shebeng. Ha potso e le teng, ke batla ho e tseba. Le a bona?

¹⁶⁶ Jwale, mme mahareng a veke, mahareng a veke ena ya bo-Juda; le a bona, moo ke dilemo—dilemo tse tharo le halofo; antikreste, morena, morena ya tla tla. Mme le hopole, o tswa Roma, morena ya tla tla. Ke mang? Mopapa. Morena ya hara batho ya tla tla, ho tla hlaha Faro ya sa tsebeng Josefa.

¹⁶⁷ Jwale, lona Maprotestanta le re, "Tjhe, jwale, ke moo." Empa motsotso feela. Re fumana Maprotestanta a na le mokgatlo, a etsa selekane sa dikereke, sethwantsho sa sebata, mme se tswela pele le bona.

¹⁶⁸ Mme *mona* re fumana Bajuda ba biletswa selekaneng sena, (e, monghadi), mme ba dumela. Mme Bibele e re ba ile ba etsa jwalo. Mme o hlaba selekane le bona.

Mahareng a veke ya mashome a supileng, o a kgaola, antikreste o kgaola selekane sa hae le Mojuda, "tjhaba sa heno." Hobane'ng?

Mme re bala ho Tsenolo 11, hore, “Ke tla roma...” Ke 11 eo. Le fetela ka kwano le atamela Tshenolo 19 jwale. Moo A tla roma baporofeta ba Hae ba babedi, mme ba tla porofeta lekgatheng leo, mme ba tla halefela baporofeta bana mme hantle-ntle ba ba bolaye. Na ho lokile? [Phutheho e re, “Amen.”—Mong.] Mme ditopo tsa bona tse shweleng di tla rapalla seterateng se bitswang Sodoma le Gommora ka puo ya moya, e leng moo Morena wa rona a thakgisitsweng, Jerusalema. Ho lokile? [“Amen.”] Mme ba rapalla mona matsatsi a mararo le masiu a mararo. Mme ha ho fetile matsatsi a mararo le masiu a mararo, moya wa bophelo o tla kena ho bona, mme ba tla tsoswa mme ba kene Kganyeng. Karolo ya leshome ya motse e ile ya heleha mohlang oo. Na ho jwalo? [“Amen.”] Le a bona? Hoo ke eng? Mahareng a dilemo tse mashome a supileng tsena tsa ho qetela.

¹⁶⁹ Ha Kereke e nyoloha; eba selekane, morwetsana ya robetseng, Methodise, Baptiste, Presbeteriene, le Pentekosta e fofo, tseo tsohle mmoho selekaneng. Etswe, ba se ba bopile lebotho la bona le leholo jwale. Mme ha ba etsa jwalo, ba tla tlabola selekane. Mme, tjhe, jwale, mopapa enwa e motjha eo re nang le yena jwale o batla ho ba kenya kahare bohole. Na ha le bone ntho e bokellanang? [Phutheho e re, “Amen.”—Mong.] O tla ntsha puo mabapi le yona, mme a ba肯ye bohole kahare, kgetlo la pele makgolong le makgolong le makgolong a dilemo; sekete sa dilemo, kapa tse pedi, e kileng ya etswa. Empa jwale o tla di kenya tsohle ka hare, mmoho, mme a etse kopano, mme ka hare ka moo Bajuda ba tla e amohela. Oho, kgidi! Glory! Alleluia! Thoriso ho Modimo wa rona Ya phelang kamehla le mehla! Ke lona bao he! Jwale, moena, e bonolo hakaalo feela, e bonolo hoo ngwana e monyenyan a ka e bonang. Kopano ya ho kenya Bajuda, le Protestanta, le Katolike, mmoho.

Mme, le hopole, baporofeta baa ba babedi ba tla etsa’ng mohla ba fihlang?

¹⁷⁰ Sebata sena, kgosana ena e tla qhalanya matla a setjhaba se halalelang, o tla etsa’ng? O tla roba selekane sa hae le bona. Ka mora dilemo tse tharo le halofo, o tla ba lelekela ka ntle. Jwale, batho ba hopola boo e le bokomonisi. Ke hoba feela le... Moya wa Modimo o mpa o eso sebetsane le lona feela. Ha se bokomonisi; ke bodumedi. Bibele e itse, “E tla bapa hoo e ka thetsang le bona Bakgethwa hola ke ntho e ka etswang.” Jesu o itsalo. Le a bona, re qetellong.

¹⁷¹ Jwale, baprorofeta ba babedi bana, ba tla etsa’ng? Ke Moshe le Elia ba tla hlaha sebaeng. Ba tla jwetsa Bajuda bao phoso ya bona. Mme sehlapheng seo sa Bajuda se mono hona jwale, e tla ba dikete tse lekgolo le nang le mashome a mane a metso e mene, Modimo o tla bitsa ka baporofeta bana. Ke eng? Moya wa Elia, o tswang Kerekeng ena ya Baditjhaba, o tla tswelapele feela ho kena kerekeng eo ya Bajuda, ho tswelapele

hantle feela le ho bitsa; a ena le Moshe. Alleluia! Le a e bona? [Phutheho e re, “Amen.” —Mong.] Mme o tla rera oona molaetsa wa pentekosta, ho Bajuda bao, hore ba hanne Motlotsuwa. [Moena Branham o kokota sefaleng ha tshelela.] Amen! Le a e bona? [“Amen.”] E tla be e le wona Molaetsa o tshwanang wa pentekosta, oo Bajuda bana ba tla ba tla ba rerela oona hantle. Mme ba hloya Bajuda bao hampe hakana hoo ba tla ba bolaya. Mme ba ne ba hlouwe ke ditjhaba tsohle. Mme mahareng a veke, ka hoba ba tsositse dikete tse lekgolo le mashome a mane a metso e mene ba matla, ba dinatla. Ba ne ba ena le Moya o Halalelang. Mme, moena, le bua ka ho etsa mehlolo, ba e entse. “Ba ile ba thiba mahodimo, mme pula ha e a ka ya na mehleng ya boporofeta ba bona; ba otla lefatshe ka dikotlo, hangata kamoo ba ne ba batla.” Ba ntsha dikotlo le ntho e nngwe le e nngwe. Ba tla hudisa Baroma bao ha boima. Empa, qetellong, ba tla bolawa. Modimo wa rona ke Modimo o tshabehang ha O halefile. Empa hopolang, ke ka kwana vekeng ya mashome a supileng, mme Kereke e Kganyeng, (amen), Selallo sa Lenyalo se ntse se tswela pele. E!

¹⁷² Jwale lemohang. Ke hona moo re Mmoneng mosadi a kgutlela Tempeleng ya Mileniamo mona pheletsong ya mongwaha wa Bajuda, “motlotsuwa.” Ke enwa A etla, a kaletse pere e tshweu; bao Mo setse morao, ba kaletse dipere tse tshweu. *Pere*, “matla.” Ba apere bosweu; madi... kapa seaparo se hlatswitsweng mading; ho Yena ho ngodilwe, “Lentswe La Modimo.” O tla jwale ka Mohlodi ya matla, (e, monghadi) ho hloma Mileniamo, ho kena Tempeleng. Kganya! Ke Eo a kopana le bao ba dikete tse lekgolo le mashome a mane a metso e mene, jwale, ka mora veke eo ya mashome a supileng mona.

¹⁷³ Veke ya mashome a supileng, taba ena e etsahala vekeng ya mashome a supileng. Ho ya boraro, mahareng a yona, o a se roba, hoba o bolaya baporofeta ba babedi bao ba pentekosta (...monghadi) ba otlang lefatshe.

Mme, moshaana, O rohaka kereke eo, mme O e tjhesa ka mollo. Mme, kgele, o... Re e fihlela mono, esita le metswalla ya hae boradikepe ba eme thoko, ba re, “Jo nna, jo nna motse o moholo oo o sa feleng wa Roma, o fediswa ka hora e le nngwe.” O ile oa phatlolwa dikoto. Modimo o tseba tsela ya ho sebetsa dintho. Mme Lengeloi le leng la nyarella, la ba la re, “Kgele, madi a moshwelatumelo e mong le e mong wa Kreste a fumanwe ho yena,” ka baka la thetso ya hae, ho tswela ntle mona le ho hlophisa, le ho etsa ntho tsena tsohle tsa mokgalo ona, mme a silafatsa kereke, a ba a kenya dintho tseo mono, mono, a bolaya bona ba lekileng ho E emela mme ba leka ho ba ntsha.

¹⁷⁴ Kganya! Oh, ke—ke ha ke tsebe. Ke—ke—ke ikutlwah ho tswelapele. Le a bona? Na ha le a thabela Lesedi la Mora, ho tsamaya Leseding la Mora! Re hokae, moena? Horeng ya ho getela! E ka nna ya etsahala, nako efe feela. Re fihlile mona!

¹⁷⁵ Oona—oona Molaetsa o tswile o tobile kereke ya morao, kereke e latotseng Kreste wa yona. Bajuda ba lehaeng la bona bakeng sa nako e beilweng e hokanyang , dilemo tse mashome a mane. Motse wa bona o motjha o hahilwe. Ba shebeletse'ng? Motlotsuwa ya tllang. E tla hlaha neneng? Ha ke tsebe. Mohla Lejwe leo le otlang setshwantsho *mona*, E ile; ho fedile he.

¹⁷⁶ Jwale lemohang mona. Mahareng a veke, matsatsi a mararo le halofo... dilemo tse tharo le halofo, ke rialo, o kgaola selekane mme o etsa hore sehlabeled le nyehelo... tseo ba tla be ba se ba di hlomile.

Hobane, ba tla kgutla hantle mme ba re, “Jwale, shebang, lona bohole le dikereke kaofela ha lona. Le ka amohelwa setshwantshong sena sa sebata. Re tla thea setswallie. Re tla fedisa bokomonisi. Re tla fiela bokomonisi re bo nyameletse.” Le a bona? Mme ba ka kgona ho e etsa. Le a bona? Mme ba tla e etsa.

¹⁷⁷ Empa jwale hlokamelang. Mme ba hlomme, ba ba ba hloma hona, tshebeletso ya kamehla mme sehlabeled se tla khutlela motseng mohla ho tla tsoswa tempele. Mme kgosana ena e tla kena bohareng ba veke ena, o tla kgaola selekane sa hae mme a fedise mahlabelo. E boletse, “O tla qhalanya, a se qhale.” Mme seo a tla se etsa, le hona se tla tswelapele ho fihlela pheletsong.

¹⁷⁸ Mme le lemohe:

...ho phatlalla ha manyala a tshenyo a bofediso...

“Ho phatlalla ha manyala.” *Manyala* ke eng? “Ditshila.” Le a bona? “Ho fedisa,” ke eng hoo? “Ho tlosa ntho.” Tjaleho ya ntho *ena*, ho tlosa ntho *eo*. Le a bona? Tjaleho ya matla ao a Roma, ho hapa morwetsana ya robetseng kaofela, Bajuda le bohole. “Re fetoha Maroma kaofela ho seng jwalo ha re le letho.” O tla kgaola selekane sa hae mahareng a veke.

¹⁷⁹ “Tjaleho ya manyala.” Efela ha ne e le manyala nakong ya Jesu, hoba Roma e fihle mono ka propaganda ya bona; e tla ba Roma hape, e tla ba manyala kerekeng hape.

...ho fihlela *bofediso*, mme o tla tswella ho *isa pheletsong*...

O tla etsa'ng? O tla tswella ho *isa pheletsong*, hoo, ke qetello.

¹⁸⁰ Jwale, Bajuda, le Boroma, Boprotestanta (eo, ke morwetsana ya robetseng), ba tla kopana hammoho ka sebopetho sa kopano ya dikereke. Mme ho tla ba jwaloka ha Jesu a boletse ho Mattheu 24, le ho tswa ho Ditshenolo 13:14.

A re nkeng Tshenolo 13:14, re bone ke eng. Ke ne ke e tshwaile mona, ho bona taba, 13:14. Ke hantle, monghadi.

Sa thetsaba ahileng lefatsheng ka mehlolo eo se e filweng matla a ho e etsa (ho kopanya dikereke tsena) pontsheng...bolella... pontsheng ya sebata; sa bolella ba ahileng hodima lefatsheng, hore ba etsetse sebata se neng se hlabilwe ka lerumo sa ba sa pholoha, setshwantsho.

¹⁸¹ Jwale, re tseba, ntle le seriti sa pelaelo, sebata seo e ne e le mang, matla ao a neng a e-na le leqeba le bolayang se ileng sa phela. Ke mohla Roma ya bohetene e ne e bolawa, mme Roma ya mopapa e dula tulong tsa yona; mohla matla a bohetene a na a bolawa, mme matla a mopapa a nka tulo tsa oona.

¹⁸² Jwale, jwale, Ditshenolo 13:14. Jesu, ho Mattheu 24, o ba hlokomedisitse ka hona. “Setshwantsho sa sebata.”

¹⁸³ Paulose, ho Bathesalonika ba Bobedi kgaolo ya 2, temana ya 3 le ya 4. A re e fumaneng, re bone Paulose, seo a se buang ka yona mona. Moya o Halalelang o moholo oo hodima moporofeta e moholo enwa wa Morena, ho bona seo a se buileng ka yona tsatsing la ho qetela. Ho Bathessalonika ba Bobedi, kgaolong ya 2 ke yona. Ke hantle, monghadi. Mme re qale ka temana ya 3, kea kgolwa ke yona. Ke hantle, a re baleng jwale. Mamelang ka hloko, motho e mong le e mong. Ke ba bakae ba dumelang Paulose o ne a tletse Moya o Halalelang? [Phutheho e re, “Amen.”—Mong.] Amen. Hlokamelang mona.

*Le se ke ka thetswa ke motho le ka mohla o le mong:
hobane e ka kgona ho etsahale, kweneho pele, . . .*

O leka ho tlosa dikelellong tsa bona hore O tla lekgatheng lona leo. Ho re, “E ka kgona ho hlahe kweneho Kerekeng, pele,” le a bona, ho tshelelwa ka kwano Mongwaheng ona wa Laodisea.

. . . mme ho hlahe motho eo wa a hla- . . . sebe, . . .

“Motho wa sebe,” ho se dumele ho Moya o Halalelang. Ho se dumele ho senolwe.

. . . mor'a wa tahleho;

Kamoo Judase a na a le kateng; ramatlotlo wa kereke.

Ya hanang ya ipaphamisang hodima hohle ho bitswang Modimo, leha e le ho kgumamelwang; mme o tla dula jwale ka Modimo tempeleng ya Modimo, . . .

Moena, na ho na le motho lefatsheng, ka ntle ho Vatican, ya etsang hoo? E ho kae?

¹⁸⁴ Jwale, phetlang mona ho Ditshenolo 13, mme le bontshwa hore monna enwa o dutse hodima motse . . . motseng, mme motse o dutse hodima—hodima maralla a supileng. Mme dipalo tsa sebata ke makgolo a tsheletseng le mashome a tsheletseng a

metso e tsheletseng, tse ngotsweng ka—ka Selatini... dialfabete tsa Seroma, ke makgolo a tsheletseng le mashome a tsheletseng a metso e tsheletseng, ke VICARIVS FILLI DEI, e leng, “Bakeng sa Mora Modimo”, hodima terone ya mopapa. Mme setulong sa hae, se na le krone e hararo. Mme ke ile ka sheba krone hantle, ka ema haufi jwale ka ha letsoho la ka le atametse sefahleho sa ka, ka mokgwa oo, mme—mme ka bona krone ya mopapa e kgabisitsweng hantle mono Vatican, ka bona, ho ema le ho sheba, ke tle le be le bonneta ba seo ke buang ka sona. “O a iphamisa, hodima tsohle tse bitswang Modimo, banna bohle ba borapedi. Ke ya halalelang ka ho fetisia hara bona; o dutse tempeleng ya Modimo, ho ipontsha e le Modimo,” a tshwarela dibe lefatsheng, le ntho tse jwalo, le a tseba. Ehlide.

¹⁸⁵ Paulose o boletse, “Eka kgona ho etsahale kweneho eo pele, mora eo wa tahleho a senolwe.”

*Ana ha le hopole, hobane, enere... ke sa na le lona,
nkile ka le bolella taba tseo na?*

¹⁸⁶ Oh, eka nka be ke dutse mono, ho utlwa Paulose a rera hoo. Ha ho jwalo ka lona? [Phutheho e re, “Amen.”—Mong.] Hmm! Kamoo nka thabelang ho mo mamela. Oho, kgidi!

¹⁸⁷ Jwale o tla etsa'ng? “Setshwantsho sa sebata.” Batthesalonika ba Bobedi. Jwale mamelang. Mamedisang jwale, ka hloko ruri. Kereke e ne e se e ntse e utlwa ho tla ha mopapa. Ke eng? Pheletso ya mongwahakgolo oo, Paulose. Ba bona Bonikola bona bo tsoha; ba ne ba ilo bea monna ya halalelang, (ho eng?) mopapa. Lefatshe le sewalejwale di ne di kgaseditse ka hara kereke, mme di fetola mokgwa wa ho rapela. Paulose, ka Moya o Halalelang, o ile a tshwara ntho eo Moyeng. Mme kereke, ka maemo a yona le batlotlehi, batho ba phahamisitsweng, le jwalojwalo, ba bona hore ntho e nngwe e ne e tla latela. Mme Moya o Halalelang o no o ba hlokomedisa kaha matsatsi a qetelo. Ha le hopole kamoo Jesu a buileng ka yona? Diketso tsa Banikola, tse bileng tsa fetoha thuto qetellong, mme tsa ntano fetoha mokgatlo! Banabeso, ha re lefising jwale. Hopolang, le a bona. Ke rona bana.

¹⁸⁸ Diketso tsa Banikola, mokgatlo o qala o kena, batho ba baholo, mme ba phahamela dikereke, le ntho e jwalo, yaba bo a bopeha bo fetoha kereke ya Katolike. Mme Paulose o boletse ha nako ya ho qetela e ke ke ya fihla, ho ke ke ha fihla nako, pele kweneho ya ho tloha Tumelong ya nneta ya pentekosta, e fihla. Tumelo ya pentekosta e tla fediswa, mme ho tla hlóngwa baholo. Ba tla ba le monna ya tla nka sebaka sa Modimo, a dula tempeleng ya Modimo, mme a hane, a iphamise hodima batho bohle ka mokgwa oo. Mme, yona, le a bona, ke eng? *Nikao*, “ho hapa phutheho.” Le a bona? “Hohle ho bitswang Modimo; o tla dula tempeleng ya Modimo, jwale ka Modimo.” Paulose o boletse, “Ho tla hlaha kweneho, pele, matsatsing a

qetelo." Mme ke rona bana, hantle mona jwale, mme ke bona kweneho eo, ke bona kereke e ya hole le hole ho sutha ho Yona, mme e kgutlela teng hape. Mme re nakong ya qetelo. Ke hantle.

¹⁸⁹ Jwale, ha diveke tse mashome a tsheletseng a metso e robong di otlide botsekeng ka ho phetheteha, mme Bajuda ba le lehaeng la bona jwale, mme mongoahakgolo kereke ya Baditjhaba o otlide nako ya qetelo hantle botsekeng, ho fihlisa nakong ya Banikola... kapa ho fihlisa nakong ya Laodicea; ho Tla ha Morena ho atametse hakakang, bofelo ba ntho tsohle, bofelo ba mongwahakgolo oona, le Tlhwbilo? Motsotsong oo A qalang veke eo ya mashome a supileng, kapa dilemo tse supileng, Kereke e tsamaile.

¹⁹⁰ Le kgona ho e bona, metswalle? Phahamisa letsoho la hao ha o kgona ho e bona. Le a bona? Jwale, re se be bana. Re se hhole re tlala papadi. Re nakong ya bofelo. Ntho e nngwe e makgatheng a ho etsahala. Re pheletsong. Re fihlile mona.

¹⁹¹ Veke tsena tse mashome a tsheletseng a metso e robong di otlide botsekeng ka ho phethahala; ho tsamaya ha Bajuda ho otla botsekeng ka ho phethahala; mongwahakgolo o otla botsekeng ka ho phethahala. Re nakong ya bofelo, nako ya bofelo, mongwahakgolo wa kereke ya Laodicea, pheletso ya oona. [Moena Branham o sebedisa letlapa ho tshwantsha—Mong.] Naledi tsohle e leng baromuwa ba rerile molaetsa wa bona. Di tswile. Re mpa re sesisa pela lebopo feela. E sale Bajuda ba kgutla ka dilemo tse mashome a mane. Ba lehaeng la bona.

Ntho e latelang e tla etsahala ke efe? Ho tla ha Lejwe. Ke moo he. E tla hlaha neneng? Ha ke tsebe. Empa, ngwaneso, ho nna, ke batla ho itokisa. Ke batla diaparo tsa ka di be di lokile.

¹⁹² Jwale, re na le feela—feelaa metsotso e mmalwa, mme eka le ka mamela ka kgutso motsotso feela jwale.

Motsotso oo A qalang veke ya mashome a supileng, kapa dilemo tse supileng, Kereke e se e tsamaile. Jwale mamelang. Ke e pheta hape, ho e pheta hape, le tle le se lebale. Ke sena seo Moya o Halalelang o ileng wa se bea peneng ya ka ha ke ntse ke ngola. Re mongwaheng wa Laodicea. Kreste o latolwa ke kereke ya Hae ka sebele. Naledi ya mongwahakgolo oona, Molaetsa, o se o tswile. Mme Israele e lehaeng la yona. Le bona moo re leng teng? Re pheletsong.

Jwale, tlhahiso e le nngwe kapa tse pedi hape.

¹⁹³ Hona hohle hoo re ho bonang, ho tla re thusa, ka mohau wa Hae, jwale ka ha re ikemiseditse ho atamela Ditiiso tsena tsa ho qetela tse Supileng. Le bona moo re ka be re e fositse teng? Ho tloha ho Ditshenolo 6:1 ho isa ho Ditshenolo 19:21, re ka be re e fositse, hoba, le a bona, re ne re tla be re lekile ho e kenya

morao *mono*, mongwaheng oona wa Baditjhaba; athe, le a bona, e mongwaheng *oona* ka kwano. [Moena Branham o sebedisa tlapantsho ho tshwantsha —Mong.] Le a bona?

Jwale, re e pakile ka Lentswe la Modimo, le ka hisetori, le ka ntho e nngwe le e nngwe, le ka dipontsho tsa mehla, ka matsatsi, hore ha ho sa na letho le setseng. Re pheletsong ya Baditjhaba. Re tla—re tla etsa'ng ka hona? Ke moyo wa ka le moyo wa hao; ke bophelo ba ka le bophelo ba hao; ke bophelo ba baratuwa ba rona. Re nnile ra bokotsoa haholo. Re nnile ra fumana dintho tse ngata habonolo haholo. Re mpe re tsamayeng. Nako e tsamaile ho feta kamoo le nahananang, hopolang feelsa.

¹⁹⁴ Jwale, polelo e nyarosang, ha le batla ho e ngola fatshe. Mamedisisang, ka kopo hle. Ena ke tlhahiso ya ka ya ho qetela, pela yona; ke na le nthwana e nyenyane ka morao ho ena, tabana eo ke batlang ho bua ka yona. Jwale phomolang motsotsotso feelsa mme le mamele ka hloko, ho le fa ntho e nngwe e nyarosang, ho kenella hantle tabeng ena. Le a bona?

Ha ho le bophara bo lekanang le lehare la thipa pakeng tsa qetello ya mongwaha oona le ho Tla ha Kreste. Ntho e nngwe le e nngwe, ha ho sa na letho le setseng. Na Iseraele e lehaeng la yona? Re tseba hoo? [Phutheho, “Amen.”—Mong.] Na re mongwaheng wa Laodisea? [“Amen.”] Na Molaetsa wa mongwahakgolo oona wa pentekosta o tswile, ho leka ho tsukutla batho ho ba kgutlisetsa Hlohonolofatsong ya mantlha ya pentekosta? [“Amen.”] Na moromuwa e mong le e mong o fetile mongwaheng, e le ntho e tshwanang hantle? [“Amen.”] Na ditjhaba di kgahlano le ditjhaba tse ding? [“Amen.”] Malwetse? Na tlala e teng lefatsheng kajeno, Kereke ya sebele e kganna makgolo a dimaele e batla ho utlwa Lentswe la Modimo? [“Amen.”] “E seng bakeng sa bohobe feelsa, empa bakeng sa ho utlwa Lentswe la Modimo.” Tlala e tla ba teng. [“Amen”] Na ke nnete? [“Amen”] Kgele, re phela hantle mahareng a yona hantle, hantle mona jwale. [“Amen.”] Le bona moo re leng teng? [“Amen.”] Re emetse Lejwe leo.

¹⁹⁵ Polelo e nyarosang! Ho tloha mohla Modimo o no o etsetsa Abrahama tshepiso... Le se fose taba ena. Ho tloha mohla Modimo o no o etsetsa Abrahama tshepiso, Genesise 12:3, ho fihla mohla Kreste a na a latolwa ka A.D. 33, ke Bajude; ho latela Bagalata 3:16 le 17, le ho latela Usher's, U-s-h-e-r's, dikronike tsa Baheberu tsa Usher's; matla a Modimo a dutse le Bajude hantle dilemo tse sekete makgolo a robong le mashome a mahlano a metso e mene. Modimo o sebetsane le Bajude dilemo tse sekete makgolo a robong mashome a mahlano le metso e mene, ho latela dikronike tsa Bajude, le ho latela Bagalata 3:16 le 17. Ke tshwere Mangolo a mang a mangata, empa ke fana ka ao feelsa.

Jwale he, ka mora ho latola Kreste, A reteleha ho Baditjhaba, ho ntsha setjhaba bakeng sa Lebitso la Hae. Le batla Lengolo la hoo, sebaka? Diketso 15:14.

¹⁹⁶ Jwale, ha re bala nako, re iphumana hantle re saletswe (mamelang) ke dilemo tse leshome le metso e supileng, mme re tla be re filwe nako e lakanang, Modimo a sebetsa le rona ka Matla a Moya o Halalelang, ho tloha ka A.D. 33 ho fihla ka 1977. Nako e lekanang, ya dilemo tse sekete makgolo a robong le mashome a mahlano a metso e mene, Modimo o sebetsa le rona ho lekana le kamoo A sebeditseng le Bajude. Le reng ka taba eo!

¹⁹⁷ Jwale, tshwayang bukeng tsa lona, Lengolo le le nyenyane mona leo ke batlang ho le fa lona. Levitike 25, ho qala ka temana ya 8. Modimo o no o memela jubile, selemong se seng le se seng sa mashome a mane a metso e robong. Selemo sa mashome a mahlano e le jubile. Re tseba hoo. Re utlwisisa hoo. Ho tloha jubileng ya pele, ya Levitike 25:8, ka 1977 etlabe e le jubile ya mashome a supileng, ho etsang dilemo tse dikete tse tharo le makgolo a mane le mashome a mararo. *Jubilee*, e bolela, “Ho nyoloha! Tokoloho!”

Oh, le shebile ho fihla ha Tsatsi la Mileniamo
o motle,
Mohla Morena rona ya tlottlehang a tlang a
nka Monyaduwa Hae ya letileng.
Oh, lefatshe le tsetselela, le llela tsatsi leo la
tokoloho e monate,
Mohla Mopholosi wa rona a fihlang lefatsheng
hape.

¹⁹⁸ Na le e tshwere? [Phutheho e re, “Amen.”—Mong.] Modimo o sebeditse le rona nako e lekanang le eo A sebeditseng le Bajode. Ho tloha mohla A na fa Abrahama tshepiso, ho fihlela ho latolwa ha Messia ka A.D.33, e ne e le dilemo tse sekete makgolo a robong mashome a mahlano a metso e mene. Mme jwale re saletswe ke dilemo tse leshome le metso e supileng. Re ne re na le dilemo tse sekete makgolo a robong mashome a mararo le ho hong. Re saletswe ke dilemo tse leshome le metso e supileng, ho fihlela ka ‘77, e tla be e le jubile ya mashome a supileng e sale le dijubile di qala. Mme etlabe e le eng? Oh, moena! Hlokomela jwale. Le se e fose. Etlabe e le jubile ya ho nyoloha ha Monyaduwa wa Baditjhaba, le ho kgutlela ha Kreste ho Mojode, mohla ba tswang ditlamong. Amen! Ha le bone na? Ho tswa lefatsheng lohle, ba bokane mono bakeng sa tsatsi leo. Oh, kgidi! Le bona moo re leng teng? Ha re tsebe nako eo e ka tshohang e hlaha. Re nakong ya qetelo.

¹⁹⁹ Jwale mamelang. Ho lona mekaubere e ka hara—ka hara kereke, ba esale ba le mona nako e telele, ke batla le lemohe ntho e nngwe. Ke ne ke sa tsebe sena ho fihlela maobane; ke se ke nkile ho ranalane, Paul Boyd, mme yaba... Mme ka e sala

mohlala wa sona hohle Mangolong, ka nka matsatsi ana a mang mona, le ntho tse jwalo, mme ka se fumana, ka se mathisa, ho se latellisa jwalo.

²⁰⁰ Jwale, ka 1933, ha re ne re rapela mona tempeleng ya Masonic, moo kereke ya Kreste e emeng teng kajeno. Hoseng ho hong ha Mmesa, pele ke tloha hae...

Ke ne ke kgakola koloi ya ka. Ke e-na le koloi ya moetso wa '33, mme ke ne ke e nehela mosebetsing wa Morena. Mme ponong, ka bona nako ya qetelo. Jwale lemohang kamoo taba ena e hlollang kateng, morao kwana ke sa le moshanyana. Mme le ka nahana hore koloi ya moetso wa 1933 e ne e shebeha jwang, jwale, kamoo e ne e shebahala kateng

Mme ka ya mono tempeleng ya Masonic, moo... Bang ba lona mekaubere e mona ba hopola. E ngotswe pampiring ya kgale, lapeng. E se e hatisitswe mme e tswile e tsamaile lefatshe ho pota. Le a bona? Moo e le ka 1933. Mme ka noha hore koduwa e kgolo e tla hlahela United States ena pele kapa ka selemo sa 1977. Ke ba bakae ba hopolang ke rialo? [Metsofe e re, "Amen."—Mong.] Shebang letsaho. Ehlide.

²⁰¹ Jwale lemohang. Ka lekanya dintho tse supileng tse neng di bopeha tsa... pele ho pheletso e kgolo ena kapa ntho e kgolo e tla etsahala mona United States, ntho e kgolo e tshabehang...

Jwale hopolang, mona ke pele e qala. Ka re re tla kena Ntweng ya Bobedi ya Lefatshe. Ke ba bakae ba hopolang ba utlwa ke rialo? E reng "Amen." [Phutheho e re, "Amen."—Mong.] Ke hantle. Ntwa ya Bobedi ya Lefatshe! Ka re, "Mopresidente ya leng teng jwale..." Ke kopiditse taba ena lengolong la kgale, leha ho le jwalo, nthong ya kgale maobane, hore, "Mopresidente eo re nang le yena jwale," etswe e ne e le... Ke ba bakae ba hopolang hore e ne e le mang? [Moena e mong o re, "Franklin Roosevelt."] Franklin D. Roosevelt. Ka re, "Mopresidente eo re mo kgethileng jwale o tla dula ho fihlela temeng ya bone," a le temeng ya hae ya pele lekgatheng leo, "o tla dula a be a fihle temeng ya bone, mme re tla kenngwa Ntweng ya Bobedi ya Lefatshe."

²⁰² Ka re, "Mmusanotshi ya hlahang Ithali jwale, e leng Mussolini, o tla dula boholong. Mme o tla ya Ethopia, mme Ethopia e tla kgehlemana mehlaleng ya hae." Ho na le batho ba dutseng mona jwale ba tsebang, hore ho na le sehlopha sa batho se ileng sa tla ema, mohla ke tshwereng kopano ya ka Redman's Hall tlase mono phirimaneng eo, mohla ke ne ke loketse ho theohela moo le ho rera seo, Redman's Hall, mme ba batla ho nkgarameletsa ka ntle ho holo ka baka la ho bua ntho e kang eo. [Kgaitseki Wilson o re, "Amen. Ke nnete."—Mong.] Eya. Eya. Mof. Wilson, ke a tseba hore o a... ["Ke nnete."] Ke nnete. Ha ke ne ke rialo... Empa na o entse hoo? "Empa," ka

re, “o tla fihlela pheletso e dihlong,” mme ho etsahetse jwalo ka yena. Yena mmoho le mosadi eo a mathang le yena, ba ile ba hlanamiswa mme ba fanyehwa ka lerapo seterateng, maoto a le hodimo, diaparo tsa bona di leketletse fatshe. Ke hantle, taba eo e etsahetse.

²⁰³ Mme yaba ke re, “Basadi ba dumeletswe ho vouta. E leng dihlong tsa ruri setjhabeng. Mme, ho vouteng, tsatsi le leng ba tla voutela monna ya phoso.” Mme ba entse hoo kgethong ena ya ho qetela. Kgele, kgele! Tse nne... (Ka re, “Mahlale a tla tswelapele hona hoo...”) Tjhe, mona, ke ya boraro eo. Ntshwareleng.

²⁰⁴ E latelang ke ena, mono, ya bone. Ka re, “Re tla lwana le Jeremanie, mme ba tla haha sebaka se seholo sa konkreiti mme ba iketsetse qhobosheane ka mono, mme maAmerika a tla shapuwa hampe.” Modimo o Matlaohle o a tseba, eo ke emeng pela Hae hona jwale, ka bona maNazi ao a ipusang a rahaka maAmerika ka tsela eo, le dintho, leboteng leo. [Motho e mong ka phuthehong o re, “Amen.”—Mong.] Mme ho na le bashanyana ba bangata ba emeng mona jwale ba neng ba le mono Siegfried Line, ba tsebang seo e ne e le sona. [“Amen. E, monghadi. Amen.”—Mong.] Mme hopolang, e le dilemo tse leshome le motso o le mong pele Siegfried Line e hahuwa. Na Modimo o nepile? [Phutheho e re, “Amen.”—Mong.] Na O sa ntse a bolela dintho tse tla hlaha? [“Amen.”] Hlokomelang. Eo, e le ya bone.

²⁰⁵ Jwale ya bohlano. “Mahlale a tla tswelapele hoo ba tla bopa koloi e sa hlokeng ho sothwa ka seterevili. Mme makoloi a tswelepele ho nka sebopheho sa lehe, ho fihla pheletsong, nako ya qetelo. Ka bona lelapa la ma-Amerika le theosa ka tsela, tseleng e sephara, ba furalletse nqa moo lebidi le sothang le loketseng ho ba teng, eka ba ne ba bapala checkers kapa dikarete.” Mme re na le yona. E teng thelebishineng. *Popular Science, Mechanics*, ke rialo, tsohle di na le yona. Re na le koloi eo. E laolwa ka remoutu, ka—ka radar. Esita le lebidi le sothang ha ba na lokela ho ba le lona ho yona. O bea diale ya hao tjena feela, jwalo ka lebidi le sothang fonofono ya hao, mme koloi ya hao e o ise teng; e ke ke ya shwahlamana, kapa le letho, ha ho dikoloi tse ding. Makenete o di lelekela hole le wena. O a bona? Ba na le yona. Oh, kgidi! E nahaneng. E lelipilwe dilemo tse mashome a mararo pele e ka etsahala!

²⁰⁶ Jwale, taba eo e re fihlisa kgethong ya Presidente Kennedy.

Mme koloi ena e kenang e—e teng temeng, ho hlahisa dintho tse hlano (ho tswa ho tse supileng) tse seng di hlahile hantle.

²⁰⁷ Jwale, ke ile ka lepa, mme ke boletse, “Ka bona mosadi e moholo a ema, ya kgahlehang, a apere purapera ya maemo a

kang a borena. Mme ke e kentse ka hara masakana mona, “(E ne e le mmusi e moholo wa United States; mohlomong kereke ya Katolike.)” Mosadi, mosadi ya itseng; ha ke tsebe ekaba kereke ya Katolike. Ha ke tsebe. Nke ke ka bolela. Ntho feela eo ke e boneng, ke bone mosadi, e ne e le phetho.

²⁰⁸ Empa sena ke setjhaba sa mosadi. Setjhaba sena palo ya sona ke leshome le metso e meraro, seporofetong. Se na le metsero e leshome le metso e meraro, dinaledi tse leshome le metso e meraro. Se qadile ka dikolone tse leshome le metso e meraro. Leshome le metso e meraro, leshome le metso e meraro, ntho ka nngwe ke leshome le metso e meraro. Se hlahella ho Ditshenolo kgaolong ya 13, le hona. Ke leshome le metso e meraro. Mme ke setjhaba sa mosadi.

²⁰⁹ Makgotla a tlhalano Amerika a hlahisa ditlhalano tse ngata, ka basadi ba rona, ho feta ditjhaba tsohle. Boitshwaro bo nyehlile haholo naheng ya rona, le ditlhalano, ho feta Fora le Ithali, moo bootswa bo fumanwang seterateng. Ha ho le jwalo, empa ke diotswa; ba rona ke basadi ba nyetsweng ba lekang ho phela le banna ba mmalwa, le banna ba mmalwa ba nyetseng ba lekang ho phela le basadi ba bang ba mmalwa.

²¹⁰ Ditjhabeng tseo ba nang le sethepu, ho ka kwano makgetlo a sekete. Mme, leha ho le jwalo, sethepu se phoso, re a tseba. Empa, ho bontsha feela kamoo re nyehlileng kateng.

²¹¹ Ke tshwere seratswana se tswang pampiring mono, moo e bontshitseng ha bashanyana ba rona ba ma-Amerika ba ne ba tshelela mose ho mawatle, ntweng ena ya morao, hore ho feta, ke a kgolwa, e le ho ella pheresenteng tse mashome a supileng... Kgele, jwale, be butleng motsotso, ke kgolwa e ne e le ba bararo ho tswa ho ba bane ba neng ba ile mose, ba hladilweng ke basadi ba bona le pele ba kgutla. Mme ho na le sehlooho se seholo sa ditaba se reng, “Ho etsahetse’ng ka mekgwa ya batho ba maAmerika?” Le hopola le se bona? [Phutheloh e re, “Amen.”—Mong.] Kaofela ha lona, ke a kgolwa. “Ho etsahetse’ng ka boitshwaro ba basadi ba rona ba ma-Amerika?” Dipolanteng, ba sebetsa le banna ba bang. Ke setjhaba sa mosadi. O tla fumana’ng? Modimo wa mosadi, kapa modingwana wa mosadi.

²¹² Jwale, he, ka mora moo, ka hetla ka sheba. Yaba ke bona United States ena e-tjha eka mollo o hlenneng, majwe a phatlotsweng. Mme e-tjha jwale ka e—e qubu ya dikoqo tse mollong, kapa ntho e nngwe feela e e hoteditseng. Le ho fihlela moo tjhebo ya mahlo a ka e ne e kgona, mme keha e phatlotsw. Mme pono ya ntlohela. Tse hlano ho tse tharo di etsahetse... kapa tse hlano ho tse supileng, ke rialo, di etsahetse.

²¹³ Mme ke mona ho tluwa mme ho bontshwa. Mme yaba ke a noha. Ha ke e-so re Morena o mpoleletse hoo, empa, yare ke

saeme hoseng hoo ka kerekeng, ka re, "Kamoo ho tswelopele..." Ka ya moo lebota la bona le fellang teng, mme ka mathela moo lebota le leng le fellang. Ka re, "Kamoo tswelopele e leng kateng, ke noha hore nako... Ha tsebe horeng ke rialo. Empa ke noha hoo hohle ho tla hlaha pakeng tsa jwale, 1933, le 1977."

Mme ke ne ke sa tsebe hono, Modimo o tseba pelo ya ka, ke ne ke ntse ke sa e tsebe ho fihlela maobane, hore 1977 ke jubilee, mme ho fedile nako e lekanang le eo A e baletseng Iseraele, mme ntho e nngwe le e nngwe e qetellong. Ka baka leo re... Mme ke rona bana qetelong ya mongwaha, ho keneng ha veke ya mashome a supileng. Ha re tsebe nako eo Kereke etlabe e tsamaile ka yona. Oh, kgidi! Re ka etsa'ng, metswalle? Re hokae?

²¹⁴ Le bona seo re leng sona jwale? [Phutheho, "Amen."—Mong.] Le utlwisa veke ya mashome a supileng ya Daniele jwale? ["Amen."]

Bonang, jwale, ha re kena Ditiisong tseo le dintho, ho manolla Ditiiso tsena. Ntho ya pele e hlahellang, mokalli wa pere tshweu, mme o tshwere seqha letsohong la hae. Hlokamelang thaka leo ke mang. Hlokamelang pere e tshehla e mo salang morao. Le a bona? Hlokamelang ke mang, mme le shebe kamoo ba kenang kateng. Hlokamelang dikete tseo tse lekgolo le mashome a mane a metso e mene ha di kena. Hlokamelang morwetsana eo ya robetseng ha a tla. Le ntano hlokomela ha ho etsahala dintho tsena tsohle, ho tshollwa ha Dinkgo, Dikotsi, meya e meraro e sa hlwekang e kang dihoho. Hlokomela dintho tseo kamoo di kgohlelang ka hara dikotlo tseo, hantle feela mohla di tshollwang. Nako le nako ha Tiiso e bulwa, kotlo e a tshollwa, mme ho tle tshenyeho. Mme le hlokomele se etsahalang hantle jwale qetellong.

²¹⁵ Mme, oho, le shebe baporofeta bana ba bararo... kapa baporofeta ba babedi bana, ha ba hlaha mona. Mme mahareng a veke, ba kgaolwa ka mokgwa oo, ho ntano qaleha Ntwa ya Meggidone. Modimo o nto qala ho bua, ka boWona, A nto ema a qale ho lwana. Baporofeta bao ba otla lefatshe. Ba rera Lebitso la Jesu Kreste. Ba kolobetsa ka tsela e tshwanang. Ba etsa yona ntho e tshwanang le eo mapentekosta a pele, bontate ba e entseng, mme ba latelwa ke bongata. Empa eo ya entseng federasi, mokgatlo oo, o ile wa tswela pele wa theosa, mme esita le matla a baporofeta bao a sitwa ho o pshatla. Mme qetellong ba re, "Re tla e etsa mokgatlo o le mong yohle." Mme o kenya ka hare (ke eng?) manyala, boRoma, ho jala ntho yohle, e fedisang. "Manyala a bofediso," ho kenya ntho e nngwe le e nngwe, "ditshila."

²¹⁶ Hopolang, mme wa kgale wa seotswa ya dutseng hodima sebata, se apere sekarelata ka mokgwa oo, se e-na le dihlooho

tse supileng le dinaka tse leshome. Le hopola hoo? “Mme o na tshwere senwelo letsohong la hae, sa ditshila tsa bootswa ba hae.” Eo e le thuto ya hae eo a e neileng batho. Mme ke rona bao, baena beso. Re nakong ya qetelo.

²¹⁷ Bana ba banyenyane, ha re ke re tseba, mohlomong re ka se phelele ho kgutla hape bosiung bona. Mohlomong re ka se phelele ho bonana hape. Ha ke tsebe. Empa, bofelo bo haufi-ufi, bofelo bo atametse. Lengolo ke lena. Ke eo moo e leng teng nepahalong, e phethehileng ya Lengolo.

²¹⁸ Jwale, ha ho e-na le le ntho eo le sa e utlwisisang, nngolleng tsebisonyanana mme le nttemose yona. Le a bona? Bua ntho e nngwe. Ba bang ba lona baena ka mono ditheiping, dikarolong tse ding, ha ho e-na le ntho eo nka le thusang ka yona, le ntsebise. Le ka nna la hanana le nna, mme le nna ka hanana le mekgatlo ya lona; e seng lona, empa tsamaiso ya mokgatlo wa lona. Ha ke hanane le batho ba Katolike. Ha ke re ha ke rate batho ba Katolike, ha ke rate batho ba mokgatlo. Ha se yona. Ke rata batho bohole, empa ke hanana le tsamaiso eo e le kobotetsang fatshe. Ke yona, tsamaiso ya wona. Ke yona.

²¹⁹ Ke ne ke se kgahlano le Jeremane; e ne e le boNazi. Ke ne ke se kgahlano le maIthali; e ne e le kgahlano le bo-boFasime. Mme le hopole, ka fana ka noho e nngwe mehleng ya eo, noho feela, mme bongata ba lona mekauberele le a e hopola. Ke ile ka re, “Ho na le mekga [English: “isms.”—Moft.] e meholo e meraro e lekang ho fuparela lefatsho kajeno: Fascism, Nazism, le boKomonisi.” Mme ka reng? “Di tla qetella ka hara boKomonisi kaofela.”

²²⁰ Mme ka nto le laela ho e thothokisa kaofela, “Beang mahlo a lona ho Russia.” Le hopola hoo? “Beang mahlo a lona ho Russia. E tla qetella boKomonising.”

Mme e tla qetella yohle, pheletsong, ho boKatolike. Hopolang, e tla qetella ka hara boKatolike nakong ya ho qetela. Ke hantle haholo. Moo ke Ntweng ya Meggidone, hantle ka *mona*, mohla Kreste a tlang, ka boYena.

²²¹ Empa baporfeta bana ba ba bararo... Dilemo tsena tse tharo le halofo, ke rialo, ke Ditshenolo 11:3, le e badile hangata, “Ke nea dipaki tsa Ka tse pedi matla, mme di tla porofeta matsatsi a sekete makgolo a mabedi le mashome a tsheletseng.” Ke bokae, matsatsi a sekete makgolo a mabedi le mashome a tsheletseng? Dilemo tse tharo le halofo. “Mme ba ntano bolawa seterateng,” hantle mahareng a veke ena ya mashome a supileng.

Ka baka leo, na le bona moo diveke tse mashome a supileng tsena tsa Daniele di leng teng? Le bona moo re phelang teng? [Phutheho, “Amen.”—Mong.] Re pheletsong, metswalle ya ka e ratwang. Re pheletsong. Matsatsi... .

Ditjhaba di pshatleha, Israele e a phaphama,
 Dipontsho tse baporofeta ba di le boletseng;
 (Ke rona bana.)

Matsatsi a Baditjhaba a badilwe, (*mona*) ka
 tsietsi tse phophothang;
 “Kgutelang, O ba qhalaneng, habo lona.”

A re e bineng:

Tsatsi la topollo le haufi,
 Pelo tsa batho di hlolwa ke tshabo;
 Tlalang Moya, mabone a lona a loke a
 hlakiswe,
 Lelalang, topollo ya lona e haufi!

Oho, banna! Na ha e babatsehe?

Ditjhaba di a pshatleha, Israele e a
 phaphama,
 Dipontsho tsee baporofeta ba di boletseng;
 Matsatsi a Baditjhaba a badilwe, ka tsietsi tse
 phophothang,
 “Kgutelang, O ba hasaneng hab’o lona.”

Jwale hammoho.

Tsatsi la topollo le haufi,
 Pelo tsa batho di hlolwa ke tshabo;
 Tlalang Moya, mabone a lona a loke a hlake,
 Lelalang, topollo ya lona e haufi!

A nke ke le binele temana.

Bapofeta ba bohata ba thetsa, Nnete ya
 Modimo ba e latola,
 Hore Jesu e leng Kreste ke Modimo rona;

Ba Mo etsa Motho ya itseng wa boraro. Le tseba hoo.
 Empa, ha se Yena. Ke Modimo wa rona.

Empa re tla tsamaya moo baporofeta ba
 hatileng teng.

Hoba tsatsi la topollo le haufi,
 Pelo tsa batho di hlolwa ke tshabo;
 Tlalang Moya, mabone a lona a loke a hlake,
 Lelalang, topollo ya lona e haufi!

²²² Na ha le a thaba? Morao Molaetseng, moena! Morao nthong
 ya mantla! Morao ho pentekosta! Morao lehlohonolong la
 nnete! Morao Lebitsong la Jesu Kreste! Morao Kolobetsong ya
 Moya o Halalelang! Morao ho dipontsho le meeka! Morao
 pentekosteng! Tlohang ka mokgatlo wa lona! Morao ho Moya o
 Halalelang! Ke Yena Moruti wa rona.

Hoba tsatsi la topollo le haufi,
 Pelo tsa batho di hlolwa ke tshabo;
 Tlalang Moya, mabone a lona a loke a hlake,
 Lelalang, topollo ya lona e haufi!

²²³ Na hoo ha ho babatsehe? Moporofeta o itseng? “Ho tla fihla nako mohla e tla ba, le ka se kgone ho re ke bosiu kapa motsheare.” Bonang kamoo ho bileng kateng. Le a bona? Oh, ho hobe ruri, ho haola le mengwahakgolo ya dikereke!

Empa e—e Lesedi le tla ba teng nakong ya mantsiboya,
 Tsela e yang kganyeng le tla e fumana ruri;
 Mokgweng wa metsi Lesedi le tjhabile kajeno,
 O patilwe ka Lebitso le tlottlehang la Jesu.
 Baholo le batjha, bakang dibeng tsa lona tsohle,
 Moya o Halalelang ruri o tla kena ka hare;
 Masedi a mantsiboya a tlide,
 Ke nnete Modimo le Kreste ba Bang.

Lesedi le tla ba teng (Mmoho bohle) nakong ya mantsiboya,
 Tsela e yang Kganyeng le tla e fumana ruri;
 Mokgweng wa metsi Lesedi le tjhabile kajeno,
 O patilwe ka Lebitso le tlottlehang la Jesu.
 Batjha le baholo, bakang sebeng sohle sa lona,
 Ruri Moya o Halalelang o tla kena ka hare ruri,
 Masedi a mantsiboya a fihlide,
 Ke nnete Modimo le Kreste ba Bang. (E seng bararo; empa Bang!)

²²⁴ Morao Molaetseng! Morao tshimolohong! Morao ho se rutilweng ke Paulose! Morao kolobetsong eo a kolobeditseng ka yona! O bone batho ba kolobetswa ka tsela e nngwe; a ba laela ho tla kolobetswa hape. A re, “Ha Lengeloi le theoha Lehodimong, le bolela ntho e nngwe e sele, le neelwe anathema.” Ka baka leo, ke morao Molaetseng hape, motswalle! Ke nakong ya mantsiboya.

²²⁵ Oh, ke Mo rata hakakang! Lona? [Phutheho e re, “Amen.”—Mong.] Ba bakae ba bonang veke ya mashome a supileng ya Daniele jwale, le ho bona seo yeke ya mashome a supileng e leng sona? Ba bakae ba e dumelang? E reng, “Amen.” [“Amen.”] Amen! Ho bokwe Modimo!

²²⁶ Jwale, ntho e latelang ke efe? Ditiiso tse Supileng jwale. Re rothela hantle ho tsona, ha Morena a ka dumela. Hore ho tla etswa neng, ha ke tsebe. Nako efe feela eo A e lokollang, re tla kena ho yona hantle he. Jwale he re tla ya halelele, kopano e telele, hoba e tla nka ho tloha kgaolong ya 6 ho fihlisa ho ya 19, ho e qeta, homme kamoo ke leng butle kateng ka yona.

²²⁷ Jwale, ha ke batle motho a tlohe a utlwisia sena ka phoso. Teipi e sa ntse e bapala. Ha ke batle ha motho a ka utlwisia ka phoso. Le se utlwisisa ka phoso jwale, mme le re, “Moena Branham o itse Jesu o tla tla ka 1977.” Ha ke eso bue ntho e kang eo. Jesu a ka tla kajeno. Empa ke lepile hore pakeng tsa ‘33 le ‘77 ntho e nngwe e tla etsahala, ka dintho tsena tse ke

boneng di hlaha, ponong, di tla etsahala. Mme tse hlano tsa tsona di se di etsahetse. Mme ke a kgolwa, ka dintho tsa atomo tseo re nang le tsona jwale...

²²⁸ Mme na le bone seo Presidente wa rona a sa tswa se bua? O batla ntwa e nngwe. O batla ho etsa mohlala ka—ka Berlin, o boletse jwalo. O batla ho etsa mohlala. Ho ka thweng ka Cuba e monyakong wa rona o ka morao mona? Hobane'ng a sa etse mohlala ka eo? Ho ka thweng ka eo? Oh, ke dithole tse kakang! Le a bona?

²²⁹ Oh, moena, re pheletsong feela. Ba tla . . . E tla etsahala hantle feela kamoo Modimo o itseng e ne e le kateng, ka hona ho—ho ho thusa'ng ho etsa letho haese ho bala seo A boletseng, le ho itokisa, le ho itlhophisetsa yona. Mme le e lese e tle, he. Re e emetse.

Re emetse ho fihla ha Tsatsi la lemo tse sekete
tse monate,

Mohla Morena' rona a tlang ho nka
Monyaduwa' Hae ya letileng;

Oh, lefatshe le fehellwa, le llela tsatsi leo la
tokoloho e monate,

Mohla Mmoloki wa rona a tlang lefatsheng
hape.

Oh, Morena' rona o tla lefatsheng hape,

E, Morena' rona o tla lefatsheng hape,

Oh, Satane a tlangwe lemo tse sekete, moleki
wa rona a be siyo,

Hoba Jesu a tle lefatsheng hape.

Ke ba bakae ba itlhophileng? Phahamisa letsoho la hao.
Oh, kgidi!

Oh, Morena' rona o tla lefatsheng hape,

A re emeng feela mme re tsukutlaneng ka matsoho.

Oh, Morena' rona o tla lefatsheng hape,

Oh, Satane a tlangwe lemo tse sekete, moleki
wa rona a be siyo,

Hoba Jesu a tle lefatsheng hape.

Oh, Morena' rona o tla lefatsheng hape,

E, Morena' rona o tla lefatsheng hape,

Oh, Satane a tlangwe lemo tse sekete, moleki
wa rona a be siyo,

Hoba Jesu a tle lefatsheng hape.

Ho tla ha Jesu etlaba karabo maswabing le
sellong sa lefatshe,

Hoba tsebo ya Morena e tla tlala lefatshe,
lewatle le sebaka;

Modimo a tlose malwetse oohle mme meokgo
ya mohlomohi e ome,

Hoba Jesu a tle lefatsheng hape.

Oh, Morena' rona o tla lefatsheng hape,
 E, Morena' rona o tla lefatsheng hape,
 Oh, Satane a tlangwe lemo tse sekete, moleki
 wa rona a be siyo,
 Hoba Jesu a tle lefatsheng hape.

²³⁰ Oh, kgidi! Ha le a thaba na? [Phutheho e re, "Amen! Alleluia!"—Mong.] Nahanang, metswalle, ena ke pentekosta, ho rapela! Ena ke pentekosta. A re openg diatla tsa rona mme re se bineng. Batho ba pentekosta, e mong le e mong, jwale le lokolohe, ntshang kgwamo eo ya Methodise ka ho lona jwale. Tloong, a re se bineng!

Oh, Morena' rona o tla lefatsheng hape,
 E, Morena' rona o tla lefatsheng hape,
 Satane a tlangwe lemo tse sekete, moleki wa
 rona a be siyo,
 Hoba Jesu a tle lefatsheng hape.

Oh, Morena' rona o tla lefatsheng hape,
 (Bibele e rialo!)
 Morena' rona o tla lefatsheng hape,
 Satane a tlangwe lemo tse sekete, moleki a be
 siyo,
 Hoba Jesu a tle lefatsheng hape.

Le a Mo rata? [Phutheho, "Amen."—Mong.] Ho lokile. Ke a Mo rata. *Ke A Mo Rata*, Kgaitsedi Gibbs. Oh, a re phahamisetseng matsoho a rona ho Yena feela jwale.

Ke a Mo rata, ke a Mo rata
 Hoba A nthatile pele
 Mme O lefeletse pholo-... (Hokae? Hantle
 mona Kalvari.)
 Fateng sa Kalvari.

Ke a Mo rata, (Thoriso!) ke a Mo rata
 Hoba A nthatile pele
 Mme O lefeletse pholohya ka
 Fateng sa Kalvari.



Dikeletso Tsa Gabariele Ho Daniele
(Gabriel's Instructions To Daniel)
Phupu 30, 1961, Sontaha hoseng
Nomoro ya teipi 61-0730M

Morero Wa Mekgahlelo E Tsheletseng Wa Ketelo Ya Gabariele Ho Daniele
(The Sixfold Purpose Of Gabriel's Visit To Daniel)
Phupu 30, 1961, Sontaha mantsiboya
Nomoro ya teipi 61-0730E

Veke Ea Mashome A Supileng Ea Daniele
(The Seventieth Week Of Daniel)
Phato 6, 1961, Sontaha hoseng
Nomoro ya teipi 61-0806

Melaetsa ena ka Moena William Marrion Branham e rerilwe qalong ka Senyesemane Tabernakeleng ya Branham e Jeffersonville, Indiana, Amerika. Ka mora ho fumana diteipi tse hlakileng le tse phethahetseng tsa ho qala, Buka ena ya Lentswe Le Builweng ya *Diveke Tse Mashome A Supileng Tsa Daniele* e ile ya hlophiswa botjha ho latela sebopheho sa jwale. Boikgathatso ka bong bo entswe ho fetisetsa ka tsepamo Melaetsa e rerilweng ho tloha dikgatisong tsa teipi ya makenete ho fetela leqepheng le tlantsweng, mme e tlantswe mona e sa kgutsufatswa le ho abjwa ke ba ha Voice Of God Recordings.

E phatlaladitswe ka Sesotho sa Borwa ka 2001.

©2001 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org